


সত্য সনাতন ধর্ম ।

প্রবোত্তরে সত্য সনাতন ধর্মের সংক্ষিপ্ত বিবরণ ।



‘সত্যাদ্ উৎপত্ততে ধর্মো দয়া দানং প্রবর্ততে ।

কমায়াং স্থাপিতো ধর্মো লোভ মোহদ্‌বিনশতি ॥”


ইচ্ছাময়ের ইচ্ছায়—

শ্রীগিরিশচন্দ্র দাস দ্বারা প্রকাশিত ।

সন ১৩২০ সাল ।

এস. মিলার প্রিণ্টিং ওয়ার্কস্ হইতে শ্রীযুক্ত ভবভারণ মল্লিক দ্বারা মুদ্রিত,
১৯৬, বহুবাজার ষ্ট্রীট, কলিকাতা ।

প্রকাশকের মন্তব্য



বন্দে চৈতন্য দেবং ত্বং ভগবন্তং যদিচ্ছয়া ।

প্রসভং নৃত্যতে চিত্রঃ লেখরঙ্গে জড়োহপ্যয়ম্ ॥

যাঁহার ইচ্ছায় এই ব্যক্তিও লিখন কার্যরূপ রঙ্গভূমিতে উৎসাহের সজ্জিত আশ্চর্যরূপে নৃত্য করিতে সমর্থ হয়, আমি সেই ভগবান শ্রীচৈতন্যদেবের বন্দনা করি ।

আমার ন্যায় অজ্ঞ ব্যক্তি দ্বারা যে কিছু লিখিত হওয়া, তাহা কেবল শ্রীগুরুর মহিমাই প্রকাশ, অপর কিছুই নহে। মহানুভবগণ এই লিখাতে—ভাষার দোষ গুণের দিকে না তাকাইয়া কেবল বোবার মথের হরিবোল গুনিয়া গুরুমহিমা দর্শনে আনন্দিত হইবেন এই ভরসা।

সত্য সনাতন ধর্ম বিবরণ লিখিয়া প্রকাশ করা অসম্ভব। যে অল্প কিছু বিষয় ইহাতে লিখিত হইয়াছে, ইহা আমার নিজের তৈয়ারী কিছু নহে। সজ্জন সমাজে ষাহা দেখি—গুনি তাহার কতকই ইহাতে লিখিত হইয়াছে। সর্বসাধারণের জন্ত ইহা লিখিত হয় নাই। সজ্জনগণ সত্য কথা চর্চিত চর্ষণ করিয়াই নিত্য নবরস ভোগ করিয়া থাকেন, ইহা সংসঙ্গেই অবগত হইয়াছি, তাই তাঁহাদের কথা তাঁহারা গুনিয়া সুখি হইবেন, এই ভরসায়ই ইহা লিখি।

আর শ্রীমদ্ভাগবতে শ্রীকৃষ্ণ বাক্যে প্রকাশ আছে :—

“চতুর্বিধা ভজন্তে মাং জনাঃ স্কৃতিনোহর্জুন ।

আর্তো জিজ্ঞাসুরর্থার্থী জ্ঞানী চ ভরতর্ষভ ॥

অর্থাৎ হে অর্জুন ! আর্ত, অর্থাধী, জিজ্ঞাসু ও জ্ঞানী এই চতুর্বিধ
স্ক্রুতি বিশিষ্ট ব্যক্তিরাই আমার ভজনায় রত হয় ।

যাহারা ভবরোগে আর্ত অর্থাৎ যাহারা ভবরোগে পীড়িত হইয়া
ব্যাকুল অন্তরে ভব-রোগ-বৈদ্য সদগুরু আশ্রয় প্রার্থী ;—

যাহারা পরমার্থ পিপাসায় অর্থাধী অর্থাৎ যাহারা পরমার্থ ধনের
কাঙ্ক্ষাল হইয়া ধনী, মহাজন অশেষনে রত ;—

যাহারা সত্যতত্ত্ব জিজ্ঞাসু অর্থাৎ যাহারা সত্যাত্মসন্ধানে তত্ত্ব
জিজ্ঞাসায় ব্যাকুল ;—

এবং যাহারা “মায়াময় সকলি অসার” জ্ঞানে জ্ঞানী অর্থাৎ
মায়াময় সংসার হইতে নিজ দেহ, ইন্দ্রিয়, মন, বুদ্ধি পয়ান্ত সকলি মিথ্যা
জ্ঞান জানিয়া যাহারা “হায় হায় কে আমি, কাহার প্রেরিত হইয়া
কি কার্যে এথায় আসিয়াছি, এই সত্য অনুসন্ধান করিতে করিতে
অনুপায় হইয়া প্রাণে প্রাণে এই মন্ত্র গাহিতেছেন যে :—

গীত ।

কে সাজালে অন্ধ, একি কপাল মন্দ,

নাহি সে সঘনক কে আমি কাহার ॥

ইকি দুর্ঘটন, ভুলেছি স্মরণ,

কেবা পাঠাইলে কি কাজে তাঁহার ॥

আমি আমার ভাবে, কত রঞ্জে ভাসি,

মিছে সুখ, সুখে কত হাসি খুসী—

এ সুখে কিসুখ, প্রাণে মসী রাশী,

আছি শুধু প্রাণে যেন অনাহার ॥

কার অশেষণে, ঘুরি দিবারাতি ;

কি ভাব অভাবে নিভেছে সে বাতি—
 কে আছে এমন, দয়াল মুরতি.
 প্রকাশিয়ে জ্যোতি ঘুচাও হে অঁধার ॥

এই সকল ভাবাপন্ন স্মৃতি-জন-গণ সমীপে যদি কোন ক্রমে এই স্তম্ভ সনাতন ধর্ম বিবরণ উপস্থিত হইরা কোন প্রকার উপকার সাধন করে তবেই এই লিখা সার্থক ।



মাহার কথা ইহাতে লিখিত, তিনিই জানেন, মাহার কি ইচ্ছা এই কার্য করাইয়া লইয়াছেন । আমার ইহাতে কোন প্রকার বাসনা নাই । মাহার ইচ্ছা পূর্ণ হউক এই মাত্র অন্তরের কথা ।

সন ১৩১৯ বাং,
 মাঘ ।

}
 }

সজ্জন সেবাকাজী—
 শ্রীগিরিশচন্দ্র দাস ।





সত্য সনাতন ধর্ম ।

প্রশ্নোত্তরে—সত্য সনাতন ধর্মের—সংক্ষিপ্ত বিবরণ ।

বাহ্য বিষয় ।

ধর্মের নাম

প্রশ্ন = আপনারা যে—সনাতন ধর্ম বলেন, এই ধর্ম কি ছয় গোস্বামীর মধ্যে যে সনাতন গোস্বামী ছিলেন, তাঁহার প্রবর্তিত নাকি ?

উত্তর = না, না তা নয় । সনাতন শব্দের অর্থ শাস্ত্রত, নিত্য, প্রাচীন । যে সত্য ধর্ম—সত্য, ত্রেতা, দ্বাপর, কলি চারি যুগেই প্রচলিত—তাহাই সনাতন ধর্ম । সনাতন গোস্বামীর সেদিনকার লোক । বিশেষতঃ ইনি মহাজন সংখ্যার কোন একজনও নন । অনাদি কাল হইতে ক্রমে ভিন্ন ভিন্ন নামধারী মহাজনগণ জগতে উদ্ভিত হইয়া এ সত্য জগতে প্রচার করিয়া জগতকে ধ্বংস করিয়াছেন ও করিতেছেন । এই ধর্মে প্রবর্তিত জনগণের মন্ত্রগত ইহার আর এক অর্থ আছে, তাহা এই স্থলে বলা নিম্প্রয়োজন, কারণ ইহা কেবল বাহ্যভাবের প্রশ্নোত্তর হইতেছে, মর্মী না হইলে সেই মর্মার্থ কেহ

সত্য সনাতন ধর্ম ।

বুঝিবেন না। গুরু রূপায় যাঁহারা আশ্রয়ত্ব, গুরুত্ব লাভ করিয়াছেন, যাঁহাদের গুরুদত্ত চক্ষু ফুটিয়াছে, যাঁহারা গুরুবীণা অর্থাৎ সদ্গুরুমুখে হরিনাম গুনিয়া ঐ নামের শক্তিতে দ্বিতীয় জন্ম গ্রহণ করতঃ স্বধর্ম লাভ করিয়াছেন. তাঁহারাই ইহা সমাকরূপে অবগত আছেন। তবে সত্য কথার এতই মাহাত্ম্য যে. মশ্ব অবগত না থাকিয়াও যদি কেহ শ্রদ্ধা সহকারে কাণ দিয়া শুনে, তাহা হইলে প্রাণে প্রাণে তাহা সত্য বলিয়া স্বীকার না করিয়াই পারে না। তাই যে যতদূর বুঝিবার বুঝিবেন ভাবিয়া ইহাও জানাইতেছি যে. ইঁহার) সনাতন ধর্মও বলেন—গুনা তন ধর্মও বলেন। সনাতন কি তা পূর্বেই বলিয়াছি। এখন গুনা তন ধর্ম বলেন কেন, তাহা একটু গুণন। বর্তমান ধনী মহাজনের জ্যোতিষ্ময় বাক্য শ্রবণে যে সত্য, নিত্য, আনন্দময় তত্ত্ব লাভ হয়, সেই তত্ত্বতে যে ধর্ম—তাহাই গুনা তন ধর্ম।

প্রশ্ন = আচ্ছা, অপর লোক এই ধর্মের নানা নাম বলে কেন? কোন স্থানে কেহ বলে—সদানন্দি ধর্ম, কেহ বলে—হাসি কান্না ধর্ম, কোন স্থানে কেহ বলে—গুরুভজা বা কর্তাভজা ধর্ম, কোন স্থানে বলে—শ্রাস-ধর্ম, কেহ কোন স্থানে বলে—একমুনি ধর্ম। কোন স্থানে আপনাদের কারো কারো বাসগ্রামের নাম বা ব্যক্তির নাম দিয়া ধর্মের পরিচয় দেয়, ইহার কারণ কি? আপনারা তাহাতেও কোন আপত্ত্য করেন না কেন?

উত্তর = এই ধর্ম লৌকিক নহে। লৌকিক কোন নির্দিষ্ট নামদ্বারা জগৎ পরিচিত হইতে ইঁহারা ইচ্ছা করেন না। তাহাতেই

ইহারা নিজে প্রায় কোন নামই বলেন না; কেহ নাম লইয়া বেশী পীড়াপীড়ি করিলে সময় সময় সত্য সনাতন ধর্ম বলিয়া প্রকাশ করিয়া থাকেন। এই নামে বা কোন নামে জগতে পরিচিত হইতে ইহাদের ইচ্ছা নাই। অপর ব্যক্তির যাহা বলিয়া ধর্মের পরিচয় দেয়, তাহারা ইহার কিছুতেই অসন্তুষ্ট নন। কাবণ যাহাদের অন্তর্কঙ্ক ফুটে নাই, তাহারা ইহার পরিচয় কখনও নিতে পারিবে না; তবে বহির্দৃষ্টিতে যে যাহা দেখে তাহাই বলে। তাহাতে আপত্যের বিষয় ইহাদের কিছুই নাই। বিশেষতঃ বাক্-দেবী পরম পরাৎপর সত্যের দাসী। ইনি সাধারণের অজ্ঞাতে সকলের কণ্ঠে বসিয়া সত্যের মহিমাই কীর্তন করেন, স্তবরাং এসব নামেতেও সত্যের মহিমাই প্রকাশ পায়, ইহাও সজ্জনের আনন্দেরই বিষয়।

প্রশ্ন = বহির্দৃষ্টিতে যে যাহা দেখে তাহাই বলে কি রকম ?

উত্তর = বুঝিতে পারিলেন না ? এই যে নানা নামের কথা বলিলেন, এক একটা করিয়া সব বলিতেছি শুনুন;—বলিয়াছেন, কেহ বলে সদানন্দি ধর্ম, ইহার কারণ এই যে, কোন স্থানে এসব সজ্জনের একত্র সমাগম হইলে, ইহাদের আনন্দ উচ্ছ্বাসে অন্তর বাহির প্রাবিত হয়, অন্তরদৃষ্টি যাহাদের নাই, বহির্দৃষ্টিতে এই আনন্দ-উচ্ছ্বাস দেখিতে গুণিতে পায়। বহির্দৃষ্টিতেও সদা এই আনন্দ-ময় ভাব দেখিয়া সদানন্দি ধর্ম বলে। তার পর হাসি কান্না ধর্ম;—এইরূপে ইহাদের যেমন হাসি দেখে, তেমন কান্নার রোলও বাহিরে থাকিয়া দেখিতে পায়, তাই হাসি কান্না ধর্ম

সত্য সনাতন ধর্ম ।

বলে । এর পর গুরু-ভজা বা কর্তা-ভজা ধর্ম ;—অন্তর্কু বিহীন জন যদিও গুরু বা কর্তা কে তাহা কিছুই জানে না, তথাপি এই সব সজ্জনের মুখে সময় সময় নানা প্রসঙ্গ শুনিয়া ও সময় সময় কার্যাতঃ নানা ভাব দেখিয়া গুরু বা কর্তাই ইহাদের ভজনায় বলিয়া অনুভব করিয়া থাকে ; তাহাতেই গুরুভজা বা কর্তা-ভজা ধর্ম বলিয়া থাকে । আর গ্রাস-ধর্ম ;—এই ধর্মের প্রব-
ত্তের সাধন অবস্থায় শ্বাস প্রশ্বাস যোগে সাধন প্রণালী আছে । প্রয়োজনাধীন কেহ কেহ কোন সময়ে সাধন করিয়া থাকেন। উহার ও বাহ্যদৃশ্য বাহিরে থাকিয়া অনেকেই দেখিয়া থাকেন । শ্বাস প্রশ্বাস যোগে সাধনকে অনেকে গ্রাস বুঝেন, তাই এত দৃশ্য দেখিয়া গ্রাস-ধর্ম বলেন । কেহ কেহ বলেন—একমুনি ধর্ম। ইহার কারণ এই যে, ইহাদের কাছে কেহ ধর্ম বিষয়ক প্রশ্ন করিলে সকলেই এক কথা, এক ভাব প্রকাশ করিয়া থাকেন, বিশেষতঃ ইহাদের মুখে লোকে শুনিয়া থাকে যে, একমন বাতীত ধনী মহাজন ধন বিক্রি করেন না, ইহার কহিয়া থাকেন যে—
“মন ভেঙ্গে নাই বিকি কিনি, গোলদার ফড়ের মতন” । বাহিরে থাকিয়াও ইহাদের কার্যে—বাবহারে মনের একাগ্রতার ভাব দেখিতে পান । এসব দেখিয়া শুনিয়াই কেহ কেহ একমুনি ধর্ম বলে । আর গ্রামের নাম করিয়া বা ব্যক্তির নাম করিয়া ধর্মের নাম উল্লেখ করার কারণ এই যে, এই ধর্ম সর্ব সাধারণে প্রচারিত নহে, কারণ অন্তরঙ্গ ভক্ত সহ প্রভুর পরম রসের খেলা, ও সত্যানুসন্ধিৎসু বদ্ধ জীবগণকে যথোপযুক্ত রূপা দ্বারা ঐ পরম রসে

মিলিত করাই—এই ধর্ম । বহির্দৃষ্টি জীবের বহুকাল মায়ায় আনত্যা রসে, সুখ দুঃখে হানু ডুবু খাইতে খাইতে, জন্ম জন্মান্তরিত বহু স্মৃতি ফলে যখন সত্যের পিপাসা অন্তরে জাগে, তখনই এই অন্তরঙ্গ লাভের সৌভাগ্য উদয় হয় । সৌভাগ্যে এই পিপাসার উদ্রেক হইলে অনুপায় হইয়া এই সংসঙ্গ আশ্রয় গ্রহণ করিয়া থাকে । এইরূপ সৌভাগ্যবান ব্যক্তি বা গ্রাম অথবা নিত্যমুক্ত নিত্যসঙ্গী সজ্জন বা ঐ সজ্জনের জন্মস্থান জগতে অধিক নহে । “কোটিতে গুণী মিলে না” পূর্বকালেও মহাজনগণ বলিয়া গিয়াছেন । এত কলিকাল, কোন কালেই সন্ন সাধারণে ইহা প্রচারিত নহে । তাহাতেই বহু গ্রামেব মধ্যে কোন গ্রামে ইহার উদয় দেখিয়া সেই গ্রামের নাম উল্লেখ ধর্মের নাম করে । বহুলোক মধ্যে কোন ব্যক্তিতে ইহার উদয় দেখিয়া সেই ব্যক্তির উল্লেখ ধর্মের নাম করিয়া থাকে । বাহ্য দৃষ্টিতে যে যাহা দেখে তাই বলে ।

প্রশ্ন = আর যে কি বলিলেন--বাক্‌দেবী সত্যের মহিমা কীর্তন করেন --
সে কি রকম ?

উত্তর = এই যে নানা নাম বলে—বলিলেন, এই সব নাম দ্বারাও সত্যধর্মের মহিমাই বর্ণন হইতেছে । ইহার মন্য না জানিয়াও লোকে এক একটা নাম করিতেছে । বাক্‌দেবীর শক্তিতেই বাক্য প্রকাশ, বাক্‌দেবীরই বাক্য, তাই বলিয়াছি । অজ্ঞাতে বাক্‌দেবী এ সব নামের বাক্য প্রকাশে সত্যের মহিমাই প্রকাশ করিতেছেন । সে মহিমা কি তাহাও কিছু গুলুন । সকলে ঠিক

সত্য সনাতন ধর্ম ।

অবধারণ করিতে পারিবেন কি—না, বলিতে পারি-না। ধরুন—
সদানন্দ ধর্ম । সদানন্দ শিবের নাম । জগৎগুরু যিনি, তিনিই
শিব । শিবই জীবকে শিব করেন অর্থাৎ মুক্তস্বাই বদ্ধ-জীবকে
ভববন্ধন হইতে মুক্ত করেন ।

“পাশবদ্ধো ভবেজ্জীবঃ । পাশমুক্ত সদা শিবঃ ॥”

সদাশিবই সদানন্দ । সদানন্দ ধর্ম বলিতে মুক্তস্বাই—জগৎগুরু
সদাশিব সদানন্দের ধর্মই বুঝায় । বাস্তবিকই ইহা মুক্তস্বার ধর্ম ;
বদ্ধজীবের ইহা বোধগম্য নহে । দেখুনত বাক্‌দেবী সদানন্দ বাকাটা
দ্বারা কি মহিমা বর্ণন করিয়াছেন !

আর হাসিকান্না ধর্মঃ—শ্রীমদ্ভাগবতে মহাজন বাক্যে প্রকাশ
এই যেঃ—

“এবমব্রতঃ স্বপ্রিয়নামকীর্ত্যা,
জাতানুরাগে দ্রুত চিত্ত উচৈঃ ।
হসত্যথো রোদিতি রৌতি
গায়-তুয়নাদবম্ ত্যতি লোকবাহঃ ॥”

অর্থাৎ ভগবত ভজন পরায়ণ ব্যক্তিগণের এই প্রকার হইয়া থাকে
যে, তাঁহারা যখন তাঁহাদের প্রিয় ভগবানের নাম কীর্তন করে
থাকেন, তখন অনুরাগে তাঁহাদের চিত্ত দ্রবীভূত হয়, আর লৌকিক
বাহ্যতাব লুপ্ত হইয়া তাঁহারা অবশে উচৈঃস্বরে কখনও হাস্য, কখনও
রোদন, কখনও চীৎকার, কখনও নৃত্য করিতে থাকেন । এই হাসি

কান্না প্রকাশেই যে নিত্যমুক্ত ভক্তগণের ধর্মকর্ম প্রকাশ, তাহা প্রাচীন মহাজনগণ গ্রাহ্যে লিখিয়া গিয়াছেন । যাহা প্রাচীন মহাজনগণ লিখিয়া গিয়াছেন তাহাই যে এখনও বর্তমান, তাহা এই হাসিকান্না-ধর্ম নাম প্রকাশ করিয়া বাক্‌দেবী স্পষ্ট সাক্ষী দিতেছেন ।

আর বলে কর্তাভজা ধর্ম বা গুরুভজা ধর্ম । কর্তা—গুরুকে বলা হয় বা কৃষ্ণকে বলা হয় । গুরু কৃষ্ণ ভিন্ন নহে ।

স্বয়ং কৃষ্ণ বলিয়াছেন :—

“সর্বধর্ম্যান্ পরিত্যজ্য মামেকং শরণং ব্রজ ।

অহং হ্যং সর্ব পাপেভ্যো মোক্ষয়িষ্যামি মা শুচঃ ।”

অর্থাৎ সর্বধর্ম পরিত্যাগ করিয়া একমাত্র আমার শরণ গ্রহণ কর । আমি তোমাকে সর্ব পাপ হইতে মুক্ত করিয়া মোক্ষ প্রদান করিব ।

স্বয়ং শিব বলিয়াছেন :—

“ন গুরোরধিকং ন গুরোরধিকং

ন গুরোরধিকং ন গুরোরধিকং ।

মম শাসন তো মম শাসন তো

মম শাসন তো মম শাসন তঃ ॥”

অর্থাৎ গুরুর অধিক নাই, গুরুর অধিক নাই, গুরু হইতে শ্রেষ্ঠবস্তু কিছুই নাই, নিশ্চয় বলিতেছি গুরুর অধিক কিছুই নাই । এই আমার উপদেশ, এই আমার শাসন, এই আমার আদেশ, সত্য সত্যই এই আমার আদেশ ।

সত্য সনাতন ধর্ম ।

“গুরুবক্ত্রে স্থিতং ব্রহ্ম প্রাপ্যতে তৎপ্রসাদতঃ ।
স্বাশ্রমোল্লং স্বজাতিঞ্চ স্বকীর্ত্তিং পুষ্টিবর্দ্ধনীং
অন্যং সর্ব্বং পরিত্যজ্য গুরোরণ্যং ন ভাবয়েৎ ॥”

অর্থাৎ গুরুবাক্যেতে জ্যোতিষ্ময় ব্রহ্ম—সপ্রকাশ, গুরুরূপ) প্রসাদে পরাংপর পরম ব্রহ্ম বস্তু, বর্ত্তমান লাভ হয়। স্বাশ্রম বিহিত ক্রিয়ানুষ্ঠান, স্বজাত্যাভিমান জ্ঞানত কন্ম, এবং স্বকীর্ত্তি পুষ্টিবর্দ্ধন কাৰ্গ্য, প্রভৃতি অন্য সমস্ত পরিত্যাগ করতঃ একান্ত ভাবে গুরুই ভজন্য করিবে ।

অন্য সমস্ত পরিত্যাগ করিয়া গুরু বা কর্ত্তা ভজন যে সত্যধর্ম্ম, তাহা সজ্জনগণের বাক্যে বাক্যেই প্রকাশ আছে, সুতরাং গুরুভজ্য বা কর্ত্তাভজ্য বাক্যেতে সত্য সনাতন ধর্ম্মের মহিমাই প্রকাশ পায়। “মায়ামুগ্ধজীবের নাই কৃষ্ণ স্মৃতি জ্ঞান”। যে—আমি কে অর্গাৎ নিজে কে—তাহা জানে না, গুরু কে বা কর্ত্তা কে তাহার কিছুই যে অবগত নহে। এমন ব্যক্তিও গুরুভজ্য বা কর্ত্তাভজ্য বলে। তবেই দেখা যায় বাক্দ্দেবী অন্তরালে থাকিয়া সত্যের মহিমাই গাহিতেছেন।

শাস-ধর্ম্ম যে বলে—ইহাত বেশ কথা। শ্রীকৃষ্ণচৈতন্য মহাপ্রভুকে চৈতন্য ভাগবতাদি গ্রন্থে স্থানে স্থানে শাসীবর বলিয়া সন্দোধান করিয়াছেন। সেই হিসাবে শাস-ধর্ম্ম বলিলে প্রভুর নিজধর্ম্মই বুঝায়। “লুক্কাইলেন মহাপ্রভু নিজধর্ম্ম লইয়া” লুক্কাইত ধনপ্রকাশক চেড়ড়া— যে শব্দে হইতেছে, তাহাতে আপত্য করিবার বিষয় কি আছে ।

“বেদা বিভিন্নাঃ স্মৃতয়ো বিভিন্না
না সৌমুনির্যশ্চ মতং ন ভিন্নম্ ।
ধর্মশ্চ তদ্ধং নিহিতং গুহায়াং
মহাজনো যেন গতঃ স পন্থা ॥”

যে স্থানে এক মনের কারবার, সেখানেই মহাজনের কারবার ।
তাই মহাজনের পছন্দ বা মহাজনের ব্যবসাদারগণ গাইয়া থাকেন—

গীত ।

“আয় আয় কে নিবি রস ওজন ।

এল প্রেম রসের রসিক মহাজন ॥

ওজনে নাই প্রবঞ্চনা, পিরীতের মন ষোল আনা,

আনন্দ রস নেনা দেনা, মিলেনা আর এমন ॥

মহাভাবের মহাজনী, চিন্ময় রসের প্রবল ধনী,

মন ভেঙ্গে নাই বিকি কিনি, গোলদার ফড়ের মতন ॥

যেগনি দেনা তেমনি নেনা, নগদ বিক্রি ধার রাখেনা,

ব্যাপার মাত্র আনাগোনা, সৎ কথা আলাপন ॥

গুণ রসের ব্যবসা করে, সদাই যায় সাগর পারে,

এনে বেচে সস্তাদরে, কেনে বসিক সূজন ॥”

একমনে মহাজনের কারবার, সজ্জনগণ মুখে সর্বদাই শুনা
যায়, কিন্তু বাকবাণী যে সাধারণের কাছে বসিয়া একমুনি ধর্ম
নাম প্রকাশে, ইহাই মহাজনের পন্থা বলিয়া জগতকে ডাকিয়া
বলিতেছেন, ইহা কেহই লক্ষ্য করিতেছেন না ।

সত্য সনাতন ধর্ম ।

গ্রাম বা ব্যক্তির নাম ধরিয়া ধর্মের উল্লেখে বড় সুন্দর এক ধর্মবাদ কীর্তন হইতেছে। এই সত্য উদয়-ভূমিও ধর্ম, যে পাত্রে প্রকাশ সেও ধর্ম, তাই এই ধর্মবাদ কীর্তন জনাই গ্রামের নাম বা ব্যক্তির নাম দ্বারা ধর্মের পরিচয় দিয়া বাক-বাণী সত্যের মহিমাই কীর্তন করিতেছেন। লোক মুখে এইরূপ আরো কত নাম যে হইয়াছে, আরো কত যে হইবে তাহার ইয়ত্তা কি? এই সকলে আপত্তা করিবার কি কারণ আছে, বরং এসব মহিমা দেখিয়া গুনিয়া ভাল-হৃদয় আনন্দে পরিপূর্ণ হয়। তবে ইহা বলিতে পারেন যে, এই সব নামের অর্থ যদি এত ভাল, তবে তাঁহারা নিজে এসব নামের মধ্যে কোনটাই বলেন না কেন? ইহা প্রশ্ন এই যে, এই সব ভাষা খণ্ডশঃ মহিমা ব্যঞ্জক : তাই তাঁহারা নিজে মুখে বলেন না। সত্য সনাতন ধর্ম বলিলে ভাষায় সত্যের পূর্ণতার ক্ষমতা হয় না। তাহাতেই নিজে বলিতে হইলে সত্য সনাতন ধর্মই বলেন।



চিত্র প্রচলিত সত্য

সাধারণে জ্ঞাত নয় কেন ?

প্রশ্ন = পূর্বে বলিয়াছেন, এই ধর্ম—সত্য, ত্রেতা, দ্বাপর, কলি, চারি-
যুগেই প্রচলিত। এমন চিত্র প্রচলিত ধর্ম এখানে পূর্বে দেখা যায় ;
নাই কেন ? এখনও অনেক জায়গায়,—লোকে, এই ধর্মের কিছু
দেখে নাই বা শুনে নাই কেন ? এত কালের প্রচলিত হইলেও
সকলেই কিছু না কিছু খবর পাইতে পারিত।

উত্তর = না, ইহা সকলে খবর পাইবারত নয় ; তাহা পূর্বেই
বলিয়াছি—‘কোটাতে মিলেনা গুটী’। আর সকল সময়
একস্থানে ইহার উদয় থাকে না। এক এক সময়ে এক এক
জায়গায় ইহার উদয় হয়। বিশেষতঃ সময় না হইলে কাছে
থাকিলেও কেহ ইহা লক্ষ্য করে না। কোন স্থানে ইহার উদয়
হইলে, সর্বসাধারণ যদিও ইহা গ্রাহ্য না করিয়া তাচ্ছল্য ভাব
প্রকাশ করে, তথাপিও ইহার বাহুদৃশ্য দেখিতে শুনিতে পাঠ
বালিয়াই সেই স্থানের সর্ব সাধারণ লোককেও সৌভাগ্যবান বল
চয়। কিন্তু প্রকৃতরূপে কাণ দেয় না বলিয়াই সত্য লাভের বা সত্য
অবগতির সৌভাগ্য জন্মে না। নবদ্বীপে উদয় কালে সেই সমস্ত
কার নবদ্বীপের পাষাণীগণকেও চৈতন্য ভাগবতাদি গ্রন্থে সৌভাগ্য-
বান বলা হইয়াছে।

সত্য সনাতন ধর্ম ।

চৈতন্য ভাগবত মধ্য খণ্ডে ৮ম পরিচ্ছেদে লিখিত আছে:—

“এই মত পাষণ্ডী করয়ে কোলাহল ।
তথাপিও মহা ভাগবন্ত সে সকল ॥
প্রভু সঙ্গে একত্রে জন্মিল এক গ্রামে ।
দোঁখলেক শুনিলেক এ সব বিধান ॥”

যে স্থানের সৌভাগ্যের উদয় হয়, সেই স্থানেই এই পুণ্যের প্রকাশ হইয়া থাকে. তাহাতেই সেই স্থানের লোকে যে যতদূর হয়. দেখে শুনে । কিন্তু সত্য অবগতির সৌভাগ্য সাধারণের হয় না। জন্ম জন্মান্তরের বহু স্মৃতি ফলে বাহারা বিশেষ সৌভাগ্যবান, তাহারা বাতীত এই খবর শুনিয়াও কেহ কাণে শুনে না, চোখে দেখিয়াও দেখে না। সৌভাগ্যে সেই শুভ সময় উপস্থিত হইলে অতিদূরে থাকিলেও সে দূরে নয়. অতি কাছে ; অন্যায়সে তার কাছে সব স্মৃতির যায। তাহাতেই অনেক দূরের লোকও আসিয়া ইহাতে যোগ দেয়, কাছের অনেক লোকে বাহু দৃশ্য অনেক দোঁখিয়া শুনিয়াও ইহা লক্ষ্য করে না। প্রশ্ন=সত্য ধর্মত সকলের জন্মই. তবে সকলে খবর পাইবার নয় কেন? কোটীতে গুটী কেন?

উত্তর=দাতা সকলকেই অমূল্য ধন দানে যুক্ত হস্ত, কিন্তু গ্রহীতা কয়জন মিলে? সর্বসাধারণে এই অমূল্য ধন লোটাইবার জগৎ দয়াল দাতা এক এক সময়ে এক এক স্থানে বাজার বসাইয়া থাকেন, কিন্তু ভবের জীব অসার অনিত্য রসে এত উন্মত্ত যে, তাঁহার দিকে ফিরিয়াও চায় না। রূপায় সেধে যাচিলেও ভাও শুনে পিছুয়ে পড়ে। সৌভাগ্যে অমূল্য ধনের নমুনা সাক্ষাৎ

হইলেও কিছু নয় কিছু নয় বলিয়া দূরে পলায়ন করে। নবদ্বীপে যখন হাট বাসিল, তখন গ্রামবাসী অনেক লোকে তাচ্ছল্য ভাবে নানা কথা বলিয়াছিল, তাহা চৈতন্য-ভাগবত, কি চৈতন্য-চরিতামৃত গ্রন্থ দেখিলে জানিতে পারিবে। শ্রীবাসের বাড়ীতে এ সব সঙ্কনের সমাগম হইত বলিয়া তাঁহার বাড়ী ঘর গঙ্গার স্রোতে ভাসাইয়া দিতে পর্যন্ত পরামর্শ করিয়াছিল। আর ইহাদের ভাবের 'ও কাষের রকম দেখিয়া কত রকম ব্যঞ্জোক্তিই না করিয়াছে।

চৈতন্য ভাগবত ৮ম পরিচ্ছেদে মধ্য খণ্ডে আছে :—

‘কেহ বলে আরে ভাই মদিরা আনিয়া ।
 সতে রাত্রি করি খায় লোক লোকাইয়া ॥
 কেহ বলে ভাল ছিল নিমাই পণ্ডিত ।
 তার কেন নারায়ণ কৈল হেন চিত ॥
 কেহ বলে হেন বুঝি পৃথ্বীর সংস্কার ।
 কেহ বলে সঙ্গ দোষ হইল তাহার ॥
 নিয়ামক বাপ নাই তাতে আছে বাই ।
 এত দিনে সঙ্গ দোষে ঠেকিল নিমাই ॥
 কেহ বলে পাশরিল সব অধ্যয়ন ।
 মাসেক না চাহিলে হয় অবৈয়াকরণ ॥

 কেহ বলে কালি হউ, যাইব দেয়ানে ।
 কাঁকলি বান্ধিয়া সব নিব জনে জনে ॥

সত্য সনাতন ধর্ম ।

যেনা ছিল রাজা দেশে আনিয়া কীর্তন ।
দুর্ভিক্ষ হইল সব গেল চিরন্তন ॥
দেবে হরিলেক বৃষ্টি—জামিল নিশ্চয় ।
ধাতু মরি গেল কড়ি উৎপন্ন না হয় ॥
খলিয়াতি শ্রীবাসের কালী করো কাব্য ।
কালি বা কি করো দেখ অদ্বৈত আচার্য্য ।
কোথা হৈতে আসি নিত্যানন্দ—অবধূত ।
শ্রীবাসের ঘরে থাকি করে এতরূপ ॥”

“কেহ বলে এঙলা দেখিতে না জ্বায় ।
এঙলার সন্তাষে সকল কীর্তি যায় ॥
ও নৃত্য কীর্তন যদি ভাল লোক দেখে ।
সেহো এইমত হয়,—দেখ পরতেখে ॥
পরম সুবুদ্ধি ছিল নিমাই পণ্ডিত ।
এ ঙ্গলার সঙ্গে তার হেন হইল চিত ॥”

“কেহবলে না দেখিল নিজকন্ম দোষে ।
‘সে সব স্মৃতি’ তা’সতার বলি কিসে ॥
সকল পাষণ্ডী—তারা এক-চাপ হৈয়া ।
‘এ সেই গণ’ হেন বৃষ্টি যায় ধায়া ॥
ও কীর্তন না দেখিলে কি হইবে মন্দ ।
জন শত বেড়ি যেন করে মহাধন্দ ॥

পরিহাসে আসে সবে দেখিবার তরে ।
দেখিত পাগল গুলা কোন কর্ম করে ॥”

.
“পাষাণী পাষাণী যেই ছুই দেখা হয় ।
গলা গলি করি সবে হাসিয়া পড়য় ॥
পুন ধরি লই যাই—যেবা নাহি দেখে ।
কেহ বা নিবর্ত্ত হয় কারো অনুরোধে ॥
কেহ বলে “ভাই ! এই দেখিল গুনিল ।
নিমাই পণ্ডিত লইয়া পাগল হইল ॥
ছদ্মুরি উঠিয়া পাছে শ্রীবাসের বাড়ী ।
দুর্গোৎসবে যেন সাড়ি দেয় ছড়াছড়ি ॥
‘হই হই হায় হায়’ এই মাত্র গুনি ।
ইহা নবা হৈতে হৈল অপবশ-বানী ॥
মহা মহা ভট্টাচার্য্য সহস্র যথায় ।
হেন চান্দ্রাইত গুলা বৈসে নদীয়ায় ॥
শ্রীবাস-বামন এই নদীয়া হইতে ।
ঘর ভাঙ্গি কালি লইয়া ফেলাইব স্রোতে ॥”

.
চৈতন্যের গণ সব মত্ত কৃষ্ণ-রসে ।
বহিস্মুখ-বাক্য কিছু কর্ণে না প্রবেশে ॥”

সকলদাই বহিস্মুখ ব্যক্তিগণের ব্যবহার এইরূপ, কিরূপে তাহারা
ইহা অবগত হইবে ? এখনও ঐরূপ কত লোক কত কথা বলিতেছে ।

সত্য সনাতন ধর্ম ।

বহিষ্কৃত বাল্লিগণ ইহা দেখিয়াও দেখে না--শুনিয়াও শুনে না । অন্তর্মুখীন ভক্ত বাতীত কেহই ইহার খবর পায় না বা লয় না । এই সব বহিষ্কৃত জীবগণকে অন্তর্মুখীন করিয়া আপন করিয়া লওয়ার জ্ঞান দয়াল দাতা যে কত রকম চেষ্টা করিয়াছেন ও করিতেছেন, তাহা আর কি বলিব । তবু জীব তাঁহার দিকে ফিরিয়া চাহে না । নবদ্বীপে বহিষ্কৃতগণ কত রকম কত ব্যবহার করিয়াছে, তাহার কতক বাল্লিগণ--আরও কত আছে । আর এই সব জীব যে তাঁহার প্রতি ত্রাস ভাব করিয়া অপরাধী হইতেছে, সেই অপরাধ মুক্ত করিবার জ্ঞান প্রভু ব্যাকুল হইয়া আপনার দরদি ভক্তগণের অন্তরে দুঃখ দিয়াও সন্তাসী সার্জিলেন ।

চৈতন্য-চরিতামৃত গ্রন্থের আদি লীলা ৮ম পরিচ্ছেদে লিখিত আছে :—

“পূর্বে যৈছে জরাসন্ধ আদি রাজগণ ।
বেদ ধর্ম করি করে বিষ্ণুর পূজন ॥
কৃষ্ণ নাহি মানে তাতে দৈত্য করি মানি ।
চৈতন্য না মানিলে তৈছে দৈত্য তারে জানি ॥
মোরে না মানিলে সব লোক হবে নাশ ।
এই লাগি রূপায় প্রভু করিল সন্তাস ॥
সন্তাসী-বুদ্ধো মোরে করিবে নমস্কার ।
তথাপি খণ্ডিবে দোষ পাইবে নিস্তার ॥”

হায় ! হায় ! হায় ! নিতাদাস জীবগণকে কুহকিনী—মায়ায় বহিষ্কৃত করিয়া কি অন্ধই করিয়াছে । দয়াল প্রভু জীবের অপরাধ মুক্ত

করিয়া কুহকিনীর আবরণ হইতে তুলিয়া ক্রোড়ে লইবার জন্ত সন্তাসী সাজিয়া দ্বারে দ্বারে তিক্ষায় বাহির হইলেন। তবু মায়ায় দাসগণ মায়া ছাড়িতে পারিল না, অতি অল্প লোকেই তাঁহাকে গ্রহণ করিল। সাধারণে গ্রহণ করিল, কেবল--তাঁহার বাহ্য ব্যবহার; গ্রহণ করিল, কেবল--তাঁহার বাহ্য বেশভূষা; গ্রহণ করিল, কেবল--তাঁহার বাহ্য প্রচারিত বোল হরিবোল। হরিবোল, হরিবোল হরিবোল, মুখে বলিতে মাত্র শিথিল--তাঁহাকে লইল না। তিনি যে অমূল্য পন যাচিয়া দ্বারে দ্বারে--দেশে দেশে ঘুরিলেন, তাহা কয়জনে লইল!

চৈতন্য চরিতামৃতের মধ্য লীলার ১৭শ পরিচ্ছেদে প্রকাশ আছে, প্রভু কাশীতে গিয়া বলিয়াছিলেন:—

“ভাব কালী বেচিতে আমি আইলাম কাশীপুরে।
গ্রাহক নাহি, না বিকায় লইয়া যাব ঘরে ॥
ভারি বোকা লইয়া আইলাম কেমনে লইয়া যাব।
অল্প স্বল্প মূল্য পেলে হেথাই বেচিব ॥”

জীবের দুঃখ দেখিয়া প্রভুই আউল হইলেন। নিত্যানন্দ, অষ্টদ্বত প্রভাতকে জীব উদ্ধার কার্যে প্রেরণ করিলেন। ভবমাগর মধ্য জীবগণ সাগর জলে হাবু ডুবু খাইয়াও কাণ্ডারী চিনিয়া ধরিল না। অষ্টদ্বতচার্য্য নিত্যানন্দের নিকট লিখিয়া পাঠাইলেন—“আউলকে বলিও বাউল, হাটে না বিকাল চাউল।” এই বিষয়টী চৈতন্য চরিতামৃতের অন্তলীলা উনবিংশ পরিচ্ছেদে একটু ভিন্ন প্রসঙ্গে প্রকাশ

সত্য সনাতন ধর্ম ।

আছে যে, প্রভু জগদানন্দকে শচী মাতার নিকট পাঠাইয়া বলিয়া
দিয়াছিলেন যে মাকে বলিও—

“তোমার সেবা ছাড়ি আমি করিহু সন্তান ।

বাউল হইয়া আমি কৈহু সর্বনাশ ॥”

জগদানন্দ শচী মাতার সঙ্গে সাক্ষাৎ করিয়া যাওয়া কালে,
অদ্বৈতাচার্য্যও জগদানন্দের নিকট বাহা বলিয়া দিয়াছিলেন, তাহাও
এই স্থলে লিখিত আছে, যে—

“তরঙ্গা প্রহেলী আচার্য্য কহে ঠারে ঠারে ।

প্রভু মাত্র বুঝে কহে বুঝিতে না পারে ॥

প্রভুকে কহিও আমার কোটা নমস্কার ।

এই নিবেদন তাঁর চরণে আমার ॥

বাউলকে কহিও লোকে হইল আউল ।

বাউলকে কহিও হাটে না বিকায় চাউল ॥

বাউলকে কহিও কালে নাহিক আউল ।

বাউলকে কহিও ইহা কহিয়াছে বাউল ॥”

অদ্বৈতাচার্য্য হইতে এইরূপ সংবাদ পাইয়া প্রভু আরো ব্যাকুল
হইলেন । ভাবিলেন—এ বেশে আর কেহ গ্রহণ করিবে না । এ বেশ
জীবের মনতুষ্টিকর বটে, কিন্তু তুষ্টিকর বলিয়াই কেবল বাহাই নয়,
বাহু তুঁষে তুঁষ্ট হইয়া অন্তরঙ্গ সার চাউল কেহ নিতেছে না ।
তাহাতেই বেশ ছাড়িয়া লুকাইলেন । যে বেশ অতি হীন, যে বেশ
জগতের চক্ষে কোন প্রকার গ্রাহ যোগ্য নয়, তাহা লইয়াই জগতে

বিকাইতে চলিলেন। পরে এ যাবত যাহা ক্রমে হইতেছে, তাহা বিশেষ কোন গ্রন্থে লিখিত হয় নাই। কোন কোন সময় কিছু কিছু লিখিত হইলেও তাহা ততটা কেহ লক্ষ্য করেন না। সজ্জন মুখে ক্রমশঃ এখনও সব কথাই সজ্জন সমাজে প্রচার আছে। এই স্থলে ইহার কিছু বলিতেছি। পরে এক সময়ে বাইশ ফকিরের উদয়স্থানে, দয়াল দাতা ফকির ঠাকুর—জীবে অপরিসীম দয়া হেতু সর্ব সাধারণের শাস্তায় দাঁড়াইয়া—রাস্তার লোককে ধরিয়া কখনও বা গলায় কাপড় দিয়া বাঁধিয়া বলিতেন—“তুই কি আমার কিছু ধারিস্? ছুঁষ্ট, এই ধার ভুলিয়া নিজ সুখে যথাতথা বেড়াস, একবার স্মরণও করিস্ না।” এই কথাতে অনেকেই বিরক্ত হইয়া নানারূপ ক্রোধ প্রকাশ করিত, তাহাতে তিনি “তুই নয় তুই নয়” বলিয়া বিদায় দিতেন। কেহ কেহ পাগল বলিয়া নানা কথায় প্রবোধ দিয়া তাঁহার কাছ ছাড়িয়া চলিয়া যাইত।

আর বহু বৎসর হইল এক জায়গায় সজ্জন সমাজে প্রকাশিত একটা গান বলিতেছি শুনুন।

কবির সুর।

চিত্তান—এরা সব কি সাগরের ঢেউ হয়ে বালির বাঁধঃ পঙ্কু কি লজ্জিবে গিরি বামন কি ধরতে পারে টাঁদঃ যাদের সেরেক্কে পণ্ডারি ধোকা, নূতন দোকানদারঃ করছে সব আদার বেপারঃ জানবে কি প্রেমরসের কারবারঃ ডুমি গুছায়ে গাছায়ে কাছিয়ে দিবেঃ পিছুয়ে যাবে ভাও শুনেঃ ॥

সত্য সনাতন ধর্ম ।

ধূয়া ।

কাজ কি রসিককে তোমার এদেশে এনে : । যদি অতল-সিদ্ধির
বিন্দুমাত্র আসে : যাবে ভেসে : উঠবে গে জল নাক্ জিনে :: ॥ থাকবে
কোথায় কেবা তায় রাখবে যতনে : সে যে ছুরাধ্য কার বা সাধ্য
বাধ্য করে তায় : মস্ত সব অর্থ লোভে যথার্থ বলতেছি তোমায় : এরা
সেজে দোকান আদা নিয়ে বসেছে বাদা বনে :: ॥

অন্তরা ।

ভাই এদেশের বেসাত পুঞ্জ : সকলিত জান : চাঁদের সুধা অসুরের
ভাগ্যেতে তা হবে বল কেন :: জেনে শুনে দেশের ভাও আসতে বল
তায় :• জহরী না হলে জহর চিনতে কে পেরেছে কোথায় :• সে
জাহাজ ভরে—বুঝাই ক'রে আন্ছে যে সব মাল : যাচ'বে তার জিনিস
রকম এদেশে নাই এমন দালাল : এরা কাঁচা ছটাক আচ্ছা চিনে
পশুরির কি নাম জানে :: ॥

অন্তরা ।

সেই রসিকের আদেশে এক বন্ডা এসেছিল :—খালি ঝালি সকলি
এক হল : আর ভূষা ভেসে গেল :: তার কটাঙ্কেতে হলো এই আসনে
বা কি হয় : দেখিতে বাসনা বটে কিন্তু সে আসতে করি ভয় :• এরা
হাটে মাটে মাথায় মুটে করছে ব্যবসা : কিস্তির আমদানী রেখে
এদেশে মিথ্যে তার আসা : কারো এক কাহনে ব্যবসা চলে : কেউ
বা সারে আট পণে :: ॥”

এর পর অল্প আর একস্থানে এই হাট বসিলে ইহাদের মুখে এক সময়ে গান প্রকাশ হইয়াছিল ।

রাগিণী মিশ্র—তাল খেমটা ।

“রইল মনে মনের বেদনা ।

সহজ প্রেম সস্তা দরে, দরদ করে কেউ নিলে না ॥

কারে বা কই সে কথা, দরদি পাইবা কোথা,

অরণ্যে রোদন বৃথা. সে রসেতে কেউ ডুবে না ;

সেই নন্দের নন্দন যার লাগি, নদে কৌপীনধারী সর্ষত্যাগী,

শ্রীরাধার প্রেমের লাগি, রাখতে নাড়লে ঠোর ঠিকানা ॥

জহরী খুলে দোকান, হীরে কাচ সমান দুখান,

নকলে হয় যত্বান, আসলে চেয়ে দেখলে না ;

সেই খেদে কয় ধনের ধনী, উঠল সাচা মালের বিকি কিনি,

মুটে মজুর আমদানি, বেঙ্গা পিতল বলছে সোণা ॥”

এইত পূর্বের কথা কতই বলিলাম । আর বর্তমানে যা হতেছে—

তা হতেছে, যে জানে—সে জানে, যে দেখে—সে দেখে, ইহা বলিবার বিষয় নহে । দয়াল দাতা সকলকেই এই অমূল্য ধনে ধনী করিতে প্রস্তুত, কিন্তু চায় কয়জনে—নেয় কয়জনে । ভবের জীব অসার অনিত্য রসে ডুবিয়া সেই সত্য, নিত্য পরমানন্দ রসে তাচ্ছল্য ভাবে অগ্রাহ করিয়া ফেলিয়া দেয়, গায় পড়িয়া মুখে তুলিয়া দিলেও গ্রহণ করে না । তাহাতেই চির প্রচলিত সত্য, জগতে কোন কোন স্থানে মাত্র কয়েক জন মধ্যে সপ্রকাশ থাকিয়া সর্ব সাধারণে অপ্রকাশ রহিয়াছে ।

সত্য সনাতন ধর্ম ।

বিশেষতঃ এ যে কলিকাল । এ সত্য সঙ্গে জগতের সাধারণের কোন প্রকার যোগ হইলেই যে সত্যযুগ উপস্থিত হইয়া কলি উদ্ভূত হয় । যে দিন এ সত্য সঙ্গে সমগ্র জগতের কোন না কোন প্রকারের যোগ হইবে, সেই দিন জানিবে আর কলি নাই ।



মালা তিলক বেশ ভূষা নাই কেন ?



প্রশ্ন=আচ্ছা, এখন অত্র একটা কথা জিজ্ঞাসা করি । আমরা ত সাধারণতঃ বুকি, মালা তিলক ঝাঁহারা ধারণ করেন, মালা তিলক ঝাঁহারা মাগ্ন করেন, ঝাঁহারা মাথায় শিখা ধারণ করেন, তাঁহারা চৈতন্যের অনুসরণ করেন । আপনাদের মধ্যে কদাচিৎ কেহ কেহ মালাধারী, শিখাধারী দেখা যায়, নতুবা কাহাকেও এরূপ ব্যবহারে লিপ্ত দেখা যায় না । অথচ চৈতন্যের কথাই বলেন, শ্রীকৃষ্ণ চৈতন্যের ধর্ম বলিয়াই যেন প্রকাশ করেন—ইহাত বুকিতে পারি-
লাম না ।

উত্তর = বুঝিতে পারিলেন না ? বাস্তবিকই প্রভু নবদ্বীপে মালা তিলক ধারণ করিয়া সন্তাসী-বেশ ধরিয়াছিলেন, তাহাত পূর্বেও বলিয়াছি; কিন্তু তিনি মালা তিলক ধরাইবার জন্ত মালা তিলক ধারণ করেন নাই। মালা তিলক বহিস্মুখ জীব মানেন বলিয়াই অপরাধী জীব হইতে ঐ সাজে কোশলে মাগ্ন নিয়া অপরাধ মুক্ত করিবার জন্ত এই বেশ ধরিয়াছিলেন। মালা তিলক ধর্ম তিনি কখনও কাহাকে দিতে চান নাই। তখনও প্রভু দিতে চেয়েছিলেন—আত্মতত্ত্ব, দিতে চেয়েছিলেন—স্করুতত্ত্ব, দিতে চেয়েছিলেন—প্রেমতত্ত্ব; তাহা না নিয়া বাহিরের বেশ ভূষা মালা তিলক নিয়া মুখে হরি-বোল হরি-বোল বলিয়া সারশূল নৃত্যগীতেই লোক মাতিতে লাগিল।

“মালা তিলক করিয়ে বেশ, ভজনের নাহিক লেশ,
ফিরে মাত্র লোক দেখাইয়া।”

ইহাতে কেবল অভিমান মাত্রই বাড়াইয়া থাকে। ভেক গ্রহণ করিয়াই মাতা, পিতাকেও ভক্তি করে না; কেবল সকল হইতে ভক্তি লইতেই স্বভবান হয়। তাহাতেই—“সহজ ভজন হলো না ব'লে” ঐ সাজ ছাড়িয়া লুকালেন।

নিজে ঐ মালা তিলক ব্যবহার করিয়া বড়ই ঠকিয়াছেন। এখন ঠকিয়া শিখিয়াছেন, আর ঐ ব্যবহার করেন না, অথবা সঙ্গীদেরও করান না। তবে দুই একটীর যে মালা, শিখা—তাহা পূর্ব হইতেই যাহার যে লৌকিক ব্যবহার ছিল—তাহা রক্ষা করিবার জগুই আছে, অপর কিছুই নহে। বহিসর্জ—যাহার যাহা দ্বারা লৌকিকতা রক্ষা হয়—তাহাই করা হইয়া থাকে। বিধিবদ্ধ কোন আচারে ইহার

সত্য সনাতন ধর্ম ।

বদ্ধ নহেন। ইহাদের ধর্ম বেদসম্মত বটে কিন্তু বেদাতীত। বেদ-সম্মত বলিয়াই ষাহার ষাহা বৈধ রীতি, তাহা রক্ষা করেন। ধর্ম ষাহা, তাহা—বিধির অতীত। ইহা অন্তরঙ্গ নিত্যযুক্ত আত্মার স্বধর্ম। সত্যানুরাগে সত্য নিত্য মানুষের আশ্রয়ে—অন্তরঙ্গ প্রকাশে, এই ধর্ম উদয় হয়। ইহা বিধিকর্ম জনিত ধর্ম নহে। ষাহারা সত্য নিত্য পরম পদাশ্রয় এ জীবনে পাইবেন বলিয়া আশা করেন না বা সত্য লাভের প্রার্থী নহেন, তাঁহাদেরই জগৎ বিধি ধর্ম। তাঁহারা যে ষাহা করুন, তাহাতে ইহাদের কোন আপত্য নাই। এসব কথায় জ্ঞানকল্লিত বৈধধর্মের অসারতা প্রকাশ পায়। তা কি করা যায়, সত্য কি—ইহা প্রকাশ করিতে গেলেই, মিথ্যা কি—তাহা আপনা হইতে বাহির হইয়া পড়ে। চাউল দেখাইতে গেলেই ধান হইতে তুঁষটী ধসিয়া পড়ে। তাহাতেই ঘূঁষে যত্নশীল ব্যক্তির এসব সত্য কথায় অসন্তুষ্টি হয়, তাহা কি করা যাইবে। কিন্তু নিশ্চয় জানিবেন, কেহকে তাচ্ছল্য করিবার জগৎ ইহাদের কোন কথা হয় না। যাক্—যে বাহ্য বাবহারের কথা আপনি জিজ্ঞাসা করিয়াছেন, তাহা সকল সময় এক রকম থাকে না। দেশ, কাল, পাত্র ভেদে ও উপস্থিত প্রয়োজন ভেদে, ইহা সর্বদাই রকম রকম। কিন্তু অন্তরঙ্গ ধর্ম ষাহা, তাহা চিরকালই এক রকম। ইহার রকম ভেদ কোন অবস্থাতেই নাই। যে বাহ্য বেশ ভূষা এখন দেখেন না, বলিয়া আপনার প্রশ্ন, তাহা কোন সময়ে প্রয়োজন হইয়াছিল বলিয়া লইয়াছিলেন; প্রয়োজন হইলে আর যে লইবেন না—এমনও নহে। বর্তমানে ঐ বেশ ভূষার প্রয়োজন নাই। তাহাতেই এই বাবহার করেন না, গতিকে ইহাদের মধ্যে মালা, তিলক, শিখা দেখেন না।

❧ অগ্ন্যাগ্নি ধর্মের সহিত ❧ ইহাদের ঐক্য দেখা যায় না কেন ?

প্রশ্ন = এই জগতে অনেক রকম ধর্মই প্রচার আছে। সবগুলির নাম জানিও না। উল্লেখ করার প্রয়োজনও নাই। যে কয়েকটি আমরা সর্বদা দেখিতেছি, ইহার মধ্যেই কয়েকটির নাম করিয়া বলিতেছি। হিন্দু মধ্যে শাক্ত, শৈব, বৈষ্ণব আর অগ্ন্যাগ্নি—পুষ্টান, মহম্মদীয় ও ব্রাহ্ম প্রভৃতি ধর্ম এখানে প্রচার আছে। ইহাদের কারো সঙ্গেই ধর্ম সম্বন্ধে আপনাদের ঐক্য দেখা যায় না, অথচ শাক্তের উপাস্ত্র—শক্তির মহিমা, শৈবের উপাস্ত্র—শিবের মহিমা, বৈষ্ণবের উপাস্ত্র—বিষ্ণুর বা শ্রীকৃষ্ণের মহিমা, পুষ্টানের উপাস্ত্র—পুষ্টের মহিমা, মহম্মদীয়ের উপাস্ত্র—হজরৎ নবির মহিমা, এবং ব্রাহ্মের উপাস্ত্র—ব্রাহ্মের মহিমা আপনাদের মুখে শুনিতে পাওয়া যায়; অথচ এই এক এক জনের মহিমা বলিতে বলিতে, শুনিতে শুনিতে আপনারা কি এক বিহ্বল হইয়া যান। ইহাদের উপাস্ত্রের মহিমা গাঢ়িয়া একরূপ ভাবে বিভোর হন, অথচ এই সব ধর্মীর সঙ্গে আপনাদের ধর্ম-সংস্রব নাই কেন ?

উত্তর = শক্তির সঙ্গে দেখা নাই—শাক্ত; শিবের সঙ্গে দেখা নাই, —শৈব, কৃষ্ণ, বিষ্ণুর সঙ্গে দেখা নাই—বৈষ্ণব, পুষ্টের সঙ্গে দেখা নাই—পুষ্টান, হজরৎ নবির সঙ্গে দেখা নাই—মহম্মদীয়, ব্রাহ্মের সঙ্গে দেখা নাই—

সত্য সনাতন ধর্ম ।

ব্রাহ্মের সঙ্গে বাস্তবিকই ইহাদের কোন ধর্ম সংশ্রব নাই। বর্তমান লইয়া ইহাদের সব কারবার। বর্তমান আরাধনার নামই—সত্যধর্ম। আত্মমানিক ভাবনা অথবা কাল্পনিক হাত গড়া, কি মনগড়া উপাস্তোর, ইহারা উপাসনা করেন না। বর্তমান সত্য যাঁহারা চান না, বর্তমান সত্য কিছু আছে বলিয়া যাঁহাদের মনে কিছুই বিশ্বাস নাই, তাঁহারা ই আত্মমানিক ভাবনা ভাবেন; এবং সত্য নিতা বর্তমান ছাড়িয়া কাল্পনিক, হাত গড়া—মনগড়া উপাস্তোর উপাসনা করেন। এঁদের সঙ্গে এই সব সজ্জনের ধর্ম ভাবের একতা হওয়ার কোন কারণ নাই; বরং এসব সজ্জন মুখে সত্য বর্তমান বলিয়া প্রসঙ্গ শুনিলে, ঐ সকল জ্ঞান কর্ম ধর্মশীলগণ উপহাস করিয়া থাকেন,—রাগ করেন, বিরক্ত হন। কি ক'রে তাঁদের সঙ্গে এঁদের ধর্মভাবের একতা হয়? এসব দৃশ্য দেখিয়া সজ্জনগণ গাহিয়াছেনঃ—

রাগিণী—কাল্যাংড়া, তাল—আড়খেমটা ।

“প্রভু দৃষ্টমান বচনে, লোকে উপহাসে শুনে,

নমঃ নমঃ কোটি কোটি অবিচার চরণে ।

হায় কি মহামায়ার কহোর, অরুণ উদয়ে অন্ধকার ঘোর,

জহরী না হলে জ্বর, দেখিবে কেমনে ।

পূর্ণ শশীর হলে উদয়, চকোরের জগত সুধাময়,

পেঁচার অসম্ভব মনে হয়, শুনিয়ে শ্রবণে ।

চোক ক্ষরেছে বিষয় বিষে, বর্তমানে লাগে দিশে,

অকারণ রাহুর গ্রাসে, বেদ বিধি বিধানে ॥”

প্রশ্ন = তবে কি এরা কেহই সত্য লাভ করে নাই ? এদের কারো কাছেই সত্য বর্তমান হইবে না ?

উত্তর = সত্য বর্তমান আছে । বিশ্বাস যাহাদের অন্তরে নাই, সত্য লাভ তাদের কিরূপে হয় ? সত্য বর্তমান আছে—বিশ্বাস না হইলে, সত্য লাভের পিপাসা না জন্মিলে, সত্য মানুষের আশ্রিত না হইলে কি করিয়া হইবে ? সত্য লাভের সত্য পিপাসায় সজ্জনের আশ্রিত হইলে সকলেরই হইবে, ইহাতে সন্দেহ কি ?

প্রশ্ন = পূর্বে একবার বলিয়াছেন, নবদ্বীপে কয় জনে তাঁহাকে লইয়াছিল । এখনত আমরা দেখিতেছি—হা গৌরাক্ষ, হা নিতাই রবে নবদ্বীপ প্লাবিত । এখন পর্গ্যন্ত যাঁহার নামে এত জয় জয় ধ্বনি, তাঁহাকে লইল না বলেন কিরূপে ?

উত্তর = এখন যা দেখিতেছেন—এ প্লাবিত নয়, মুখরিত বলেন । গৌর নিতাই যে দিন সেখানে বর্তমান ছিলেন, সেই দিন তাঁহাদের প্রেম বজায় সঙ্গী, আনুসঙ্গী, পার্শ্বদগণকে প্লাবিত করিয়া প্রেমানন্দ সাগরে ভাসাইয়া ছিলেন । তাহাই সাধারণ বহির্মুখ জীব গ্রাহ করে নাই বলিয়াছি । এখন তাঁহাদের সঙ্গে কারো দেখা সাক্ষাৎ নাই । বজা উথলিবে কোথা থেকে ? এখন কেবল মুখে মুখেই—মুখরিত । বন্ধ জীবের স্বভাবই এইরূপ । বর্তমান গ্রাহ করে না, গত বিষয় লইয়া কেবল মুখের আড়ম্বর বাড়াইয়া থাকে । গ্রাম্য একটা কথায় আছে—“মৈলে গাভী বিওয়ালী হয় ।” নাই গাভীর গুণ, অতিশয় আড়ম্বরের সহিত বাখানে ফল কি ? কেবল সেখানের কথা নয়, মায়ামুক্ত জীবের ব্যবহার সবস্থলেই

সত্য সনাতন ধর্ম ।

এইরূপ । ছিল স্তনিয়াও—আছে কোথায়, তাহা খুঁজে না ; ছিল বিশ্বাস করিয়াও বর্তমান বিশ্বাস করে না । ছিল—মানে, আছে স্তনিত্তে চায় না । ইহার জন্তই ধর্ম করিয়াও সত্য ধর্ম হয় না । গাভী দেখে নাই, ঘৃত দেখে নাই, ঘৃত খায় নাই, মুখে খুব গুণ বাধানে ; ইহাও এক রহস্য জনক সুন্দর দর্শন । অবোধ শিশুর বালি দিয়া ভাত রান্না ধাওয়া দেখিয়া যেমন জগতের প্রবীন জ্ঞানী ব্যক্তিগণও এক আমোদ ভোগ করেন, সেইরূপ এই সব ধর্মের খেলাও সজ্জনগণ আনন্দেই দেখিতেছেন । কিন্তু হৃৎকের বিষয় এই যে, কাল প্রভাবে কলি এই আমোদের ধূলী খেলাও নষ্ট করিয়া দিতেছে ! দিতেছে কি—প্রায় সবই দিয়াছে !! ইহার মধ্যে কলি প্রবেশ করিয়া নিজের কুপ্ররতি সফল করিতেছে, কলির প্রতিজ্ঞা—“তীর্থ ব্রত ক্রিয়া নষ্ট করিব সকল” । সব প্রায় শেষ করিয়াছে—আর বাকী নাই । এসব কথা বালিতে আর ইচ্ছা করি না, এ সময়ে এই সত্য কথা প্রকাশ করিলে, অনেকেরই অপ্ৰিয় হয় । অল্প কথা থাকিলে বলেন । আধ্যাত্মিক সত্য-ধর্মের বা সত্য-ধর্মীর কথা ব্যতীত, মন জ্ঞানের কল্পনাময় ধর্মের বা ধর্মীর সম্বন্ধে কোন প্রশ্নের প্রয়োজন নাই । ঐশ্ব্যানে যাদের ভালবাসা, আলোকের ইঙ্গিত দেখিলেই তাহাদের অসহ হয় । আলো অন্ধকার যেমন একত্রিত হওয়া অসম্ভব, আধ্যাত্মিক সত্য-ধর্মের সঙ্গে ভ্রান্তিময় মন জ্ঞানের কাল্পনিক ধর্মের ও ঐক্য হওয়া তেমনি অসম্ভব ।



অগ্ন্যাগ্ন ধর্মে—কারো কারো

বর্তমান লাভ হইয়াছে—শুনা যায় কেন ?



প্রশ্ন=আপনার কথা শুনিতে শুনিতে আমার অন্তরে একটা প্রশ্ন উঠিয়াছে। দুইটা ব্যক্তির কথা জিজ্ঞাসা না করিয়া পারিতেছি না। ইহাদের বর্তমান লাভ হইয়াছিল শুনি বলিয়াই আমার এই প্রশ্ন। আচ্ছা, আপনি যে অগ্ন্যাগ্ন ধর্মে বর্তমান সত্য কিছুই নাই বলিলেন, তবে রামপ্রসাদ সেন বর্তমান লাভ করিয়াছিলেন শুনা যায় কেন ? রামকৃষ্ণ পরমহংস বাহুল্প হইয়া অনেক সময় থাকিতেন কি রকম ?

উত্তর=এত অশ্লের কথা হয় নাই, এ সত্য ধর্মের ভিতরের কথাই হইয়াছে। রামপ্রসাদ যদিও পূর্বে বহির্শূঁখ প্রচারিত জ্ঞান করনাময় শাক্ত ধর্মেই ছিলেন বটে, কিন্তু তিনি সেই বহির্শূঁখ ধর্মদ্বারা বর্তমান লাভ করেন নাই। ইহা ছাড়িয়া সত্যের আশ্রিত হইয়া সত্য শাক্তকে বর্তমান লাভ করিয়াছিলেন। বাহুল্প শাক্ত ধর্মে যে তাঁহার এই লাভ নহে, তাহা তাঁহার গান দ্বারা ই বুঝিতে পারিবেন। তাঁহার কৃত একটা গান শুনুন।

সত্য সনাতন ধর্ম ।

প্রসাদী সুর—তাল একতালা ।

“মন তোমার এই ভ্রম গেল না ।

কালী কেমন তাই চেয়ে দেখলে না ॥

জগতকে সাজাচ্ছেন যে মা, দিয়ে কত রত্ন সোনা ;

ওরে কোন লাজে সাজাতে চাস্ তায়, দিয়ে ছার ডাকের গহনা ॥

জগতকে খাওচ্ছেন যে মা, সুমধুর খাও নানা ;

ওরে কোন লাজে খাওয়াতে চাস্ তায়, আলো চাল আর বুট ভিজানা ॥

জগতকে পালিচ্ছেন যে মা, সাদরে তাও কি জাননা ;

ওরে কেমনে দিতে চাস্ বলি, মেঘ মহিষ আর ছাগল ছানা ॥”

তারপর তিনি কি সূত্রে সত্য লাভ করিলেন, বলিতেছি শুধুন । বর্তমান সজ্জনগণ যাহা বলেন ও প্রচারিত গান গুলিতে যাহা আছে, তাহাই বলিতেছি । রামপ্রসাদ সেন যে সময়ের লোক, সেই সময়ে সেই সব স্থানেই এই সত্য ধর্মের প্রকাশ ছিল । রামপ্রসাদ সেনের বাড়ী যে হালিসহর গ্রামে, সেই গ্রামে আরো সজ্জনের বাস ছিল । অযোধ্যা নাথ গোস্বামী, যঁাহাকে লোকে আজ্ গোঁসাই বলিয়া ডাকিত, তিনি সত্য ধর্মাপ্রিত বৈষ্ণব । তিনি সনাতন ধর্মের বৈঠকের লোক । রামপ্রসাদ যদিও বহির্শুখ ভাবে শাক্ত ছিলেন, কিন্তু তাঁহার কতকটা ধর্ম্মানুরাগ দেখিয়া আজ্ গোঁসাই রূপাবিষ্ট হইয়া তাঁহার পেছনে লাগিলেন । তাঁহার জ্ঞানকল্পিত ভাবের কথায় কথায় আপত্য করিতে লাগিলেন । রামপ্রসাদ তাঁহার সাক্ষাতে কোন কথা কহিলে, তাঁহার ভুল বুঝাইয়া সত্যানুরাগ জন্মাইতে

তৎক্ষণাৎ আপত্য তুলিয়া সত্য কথা প্রকাশ করিতেন। আজ্জু গৌসাইএর সাক্ষাতে কোন গান গাহিলে, তৎক্ষণাৎ তিনি এক একটা গান গাহিয়া সত্য ধরাইয়া দিতে চেষ্টা করিতেন। রামপ্রসাদ কয় দিন এই রূপা বৃষ্টিতে পারেন নাই। পরে তাঁহা হইতে সব অবগত হইয়া সত্য ধর্মাশ্রিত হইয়াছিলেন। ইহাতেই তাঁহার সত্য জাত : বহির্দুঃখগণ ইহা অবগত নহে। অবগত থাকিলে আজ্জু গৌসাইএর এই ব্যবহার দ্বারা বহিঃশুলিতে তাঁহাকে পাগল কবি বলিয়া কখনই লিখিত না। শ্রীযুক্ত পূর্ণচন্দ্র গুপ্ত মহাশয় ৮নব কিশোর গুপ্ত মহাশয়ের ধর্মজীবনী বলিয়া একখানা গ্রন্থ লিখিয়াছেন, তাহা সাধুসঙ্গীতের এক সঙ্গে ছাপান হইয়াছে, তাহাতেও—রামপ্রসাদের সত্য সনাতন ধর্মের কথা লিখিত আছে। এই গুপ্ত মহাশয়দের পূর্ব নিবাস হালিসহরে ছিল, যে হালিসহরে রামপ্রসাদের বাস ছিল।

প্রশ্ন = রামপ্রসাদ ও আজ্জু গৌসাইএর মধ্যে কিরূপ কথা হইত বা কিরূপ গান হইত, তাহা কি বলিতে পারেন ?

উত্তর = কতক জানা আছে বটে, যতদূর জানা আছে সব বলিতেছি। যে সব বহিতে আজ্জু গৌসাইকে পাগল কবি বলিয়া উল্লেখ করা হইয়াছে, সেই সবেও ইহার কতক কতক আছে। রামপ্রসাদের কালী কীর্তনে ভগবতীর গোষ্ঠে গমন উল্লেখ আছে। তাহা দেখিয়া আজ্জু গৌসাই বলিয়াছিলেন :—

“না জানে পরম তত্ত্ব, কাঁঠালের আমসহ
মেয়ে হয়ে খেয় কি চরায় রে।

সত্য সনাতন ধর্ম ।

তা যদি হইত, বশোদা যাইত,
গোপালে কি পাঠায় রে ॥”

এই সব কথার মর্ম বুঝিতে না পারিয়া এক সময়ে রামপ্রসাদ
আজু গৌসাইকে বলিয়াছিলেন :—

“কর্মের ঘাট, তৈলের কাঠ, আর পাগলের ছাট মলেও যায় না ।”
তত্বতরে আজু গৌসাই বলিয়াছিলেন :—

“কর্ম ডোর, স্বভাব চোর আর মদের ঘোর ম'লেও যায় না ।”
রামপ্রসাদ এক সময়ে গান গাহিয়াছিলেন :—

প্রসাদী সুর—তাল একতালা ।

“মনরে আমার এই মিনতি ।

তুমি পড়া পাখী হও করি স্বতি ॥

যা পড়াই তাই পড় মন, পড়লে শুনলে হুধি ভাতি,
ওরে জাননা কি ডাকের কথা, না পড়িলে ঠেঙ্গার গুতি ॥
কালো কালো কালী পড় মন, কালীপদে রাখ প্রীতি,
ওরে পড় বাবা আত্মারাম, আত্মজনের কর গতি ॥
উড়ে উড়ে বেড়ে বেড়ে, বেড়িয়ে কেন বেড়াও দ্বিতি,
ওরে গাছের ফলে ক'দিন চলে, কররে চারি ফলের স্থিতি ॥
প্রসাদ বলে ফলা গাছে ফল, পাবিরে মন শুন যুক্তি,
ওরে ব'সে মূলে কাণী ব'লে, গাছ নাড়া দেও নিতি নিতি ॥”

ইহার উত্তরে আজু গৌসাই গাইলেন :—

প্রসাদী সুর—তাল একতালা ।

“হয়োনা মন পড়া পাখী ।

ওরে বন্দি হয়ে হয়োনা সুখী ॥

পাখী হলে তব্ব ভূ'লে দিন যাবে পিঞ্জরে থাকি ।

তুমি মুখে বলবে পরের বুলি পরম তব্বের জ্ঞানবে কি ॥

ভক্তি গাছে মুক্তি ফলে সে ফল উড়ে খাওগে দেখি ।

খেলে মায়ার ফাঁদে পড়বে না আর শমন ব্যাধে দিবে কাঁকি ॥”

রাম প্রসাদ আর এক গান গাইলেন :—

প্রসাদী সুর—তাল একতালা ।

“আয় মন বেড়াতে যাবি ।

কালী কল্পতরুর তলে গিয়ে চারি ফল কুড়িয়ে খাবি ॥

প্ররক্তি নিরস্ত জায়া তার নিবৃত্তিরে সঙ্গে লবি ।

ওরে বিবেক নামে জোষ্ঠ পুত্র তব্ব কথা তায় সুধাবি ॥

অশুচি শুচিকে লয়ে দিব্য ধরে কবে শুবি ।

যখন দুই সতীনে প্রীতি হবে তখন শ্রামা মাকে পাবি ॥

অহঙ্কার অবিদ্যা তোর পিতা মাতায় তাড়া দিবি ।

বাদি মোহ গর্ভে টেনে লয় ধৈর্য্য খুটা ধরে রবি ॥

ধর্ম্মাধর্ম্ম দুটো অজা তুচ্ছ হেড়ে বেঁধে ধুবি ।

বাদি না মানেনি নিষেধ তবে জ্ঞান-খড়্গ বলি দিবি ॥

সত্য সনাতন ধর্ম ।

প্রথম ভাষ্যার সন্তানেরে দূরে রইতে বুঝাইবি ।
যদি না মানে প্রবোধ. জ্ঞান-সিদ্ধ মাঝে ডুবাইবি ॥
প্রসাদ বলে এমন হলে কালের কাছে জবাব দিবি ।
তবে বাছা বাপের ঠাকুর মনের মতন মনটা হবি ॥”
আজু গৌসাই তৎক্ষণাৎ ইহার উত্তরে গাইলেন :—

প্রসাদী সুর—তাল একতালা ।

“কেন মন বেড়াতে যাবি ।

কারো কথায় কোথাও বাসনেরে তুই, মাঠের মাঝে মারা যাবি ॥
প্রবৃত্তি নিবৃত্তিরে মন নিজে কভু না চিনিবি ।
ও তুই মনের ঝোঁকে করতে পারিস্, মাক গাঙ্গেতে ভরাডুবি ॥
বাঁশবনে গিয়ে ডোমকাণা হয়, এ তত্ত্ব কবে বুঝিবি ।
শেবে কল্পতরুর তলায় গিয়ে কি ফল নিতে কি ফল নিবি ॥”
বাম প্রসাদ আর এক সময় গাহিয়াছিলেন :—

প্রসাদী সুর—তাল একতালা ।

“এবার কালী তোমায় খাব ।

(খাব খাবগো দাঁন দয়াময়ী)

তারি গণ্ডযোগে জন্ম আমার ;

গণ্ডযোগে জনমিলে সে হয় যে মা-থেকো ছেলে —

এবার তুমি খাও কি, আমি খাই মা—দুটার একটা কোরে লব

হাতে কার্ণী মুখে কার্ণী সর্কাজে কালী মাখিব--

বখন আস্বে শমন বাঁধবে কষে, সেই কালী তার মুখে দিব ॥
খাবো খাবো বলি মাগো, উদরস্ত না করিব,
হৃদিপদ্মে বসাইয়ে মন মানসে পূজিব ॥
যদি বল—কালী খেলে কালের হাতে ঠেকা যাব—
আমার ভয় কি তাতে কালী ব'লে কালেরে কলা দেখাব ॥
কালীর বেটা শ্রীরামপ্রসাদ, ভাল মতে তাই জানাব—
তাতে মস্তুর সাধন, কি শরীর পতন বা হবার তাই দটাইব ॥
আজু গৌসাই তদন্তরে গাহিলেন :—

প্রসাদী সুর—তাল একতালা ।

“সাধ্য কি তোর কালী ষাৰি ।

ওষে রক্তবাজের বংশ খেলে তার মুণ্ডমালা কোথায় পুৰি ॥

সর্বাঙ্গে নয় উভয় গালে ভূষোকালী মেখে ষাৰি—

আবার কালকে দেখাতে কলা নিজে যে কলা দেখিবি ॥”

এইরূপে সতের বাক্য শুনিতে শুনিতে রামপ্রসাদের বৈরাগ্যতাব
অর্থাৎ সংসার অসার জ্ঞান হইয়া পড়িল । তাহাতে রামপ্রসাদ গান
গাহিলেন :—

প্রসাদী সুর—তাল একতালা ।

“এ সংসার ধোঁকার টাটি—

ও তাই খাই দাই করি মাটি ।

ওরে ক্ৰিতি জল বহি বায়ু, শূন্যে পাঁচে পরিপাটি ॥

সত্য সনাতন ধর্ম ।

প্রথমে প্রকৃতি স্কুলা অহঙ্কারে লক্ষ কোটা—
যেমন সরার জলে সূর্যছায়া অভাবেতে স্বভাব যেটা ॥
গর্ভে যখন যোগী তখন ভূমে প'ড়ে খেলাম মাটি—
ওরে ধাত্রিতে কেটেছে নাড়ি মায়ার বেড়ী কিসে কাটি ॥
রমণী বচনে সুধা, সুধা নয় সে বিষের বাটি—
আগে ইচ্ছে সুখে পান ক'রে, বিষের জ্বালায় ছটফটি ॥
আনন্দে রামপ্রসাদ বলে আদি পুরুষের আদি মেয়েটা—
ওমা যা ইচ্ছা হয় তাই কর মা, তুমিত পাষণের বেটা ॥”
ইহা গুণিয়া আজু গোসাই গাহিলেন :—

প্রসাদী সুর—তাল একতালা ।

“এ সংসার রসের কৃটি—
হেথা খাই দাই আর মজা লুটি ।
ওরে যার যেমন মন, তার তেমন ধন, মন কররে পরিপাটি ॥
ওহে সেন নাই জ্ঞান বুঝ তুমি মোটামুটি—
ওরে—ভাই বন্ধু দারা সূত, পিঁড়ি পেতে দেয় ছুধের বাটি ॥
জনকরাজা ঋষি ছিল তার কিছতে ছিলনা ক্রটা—
সে এদিক ওদিক ছুদিক রেখে খেতে পেত ছুধের বাটি ॥
রমণীরে বিষ ভেবেছ তাতেও ত দেখিনা ক্রটা—
তুমি ইচ্ছেসুখে ফেলে পাশা কাঁচিয়েছ পাকাঘুঁটি ॥
মহামায়ায় বিশ্ব ছাওয়া ভাবছ মায়ার বেড়ী কাটি—
শ্রামের পদে অভেদ জেনো শ্রামামায়ের চরণ ছুটি ॥”

আজু গৌসাইয়ের মুখে সর্বদা একপে সত্য কথা শুনিয়া ঐ সংস্কৃত প্রভাবে রামপ্রসাদ সত্যানুসন্ধানে লুক্ক হইয়া যোগ সাধনে প্রবৃত্ত হইলেন। ইহা রামপ্রসাদের গানেতেই প্রকাশ পায়। রামপ্রসাদের এই অবস্থার গান এই—

প্রসাদী সুর—তাল একতাল।

“ডুব দে মন কালী বলে ।

হৃদি রত্নাকরের অগাধ জলে ॥

রত্নাকর নয় শূন্য কখন ছুচার ডুবে ধন না পেলো—

ভূমি দম সামর্থ্যে একডুবে যাও কুলকুণ্ডলিনীর মূলে ॥

জ্ঞান সমুদ্রের মাঝারে মন শক্তিরূপা মুক্তা ফলে—

ভূমি ভক্তি করে কুড়ায়ে পাবে শিব যুক্তির মতন চাইলে ॥

কামাদি ছয় কুস্তির আছে আহার লোভে সদাই চলে—

ভূমি বিবেক হৃদি গায় মেখে যাও ছোঁবে না তার গন্ধ পেলো ॥

রতন মাণিক্য কত পড়ে আছে সেই জলে—

রামপ্রসাদ বলে ঝাঁপ দিলে মন মিলবে রতন ফলে ফলে ॥”

সত্য মানুষের প্রতি নিষ্কপট ভক্তি না হইলে সত্যলাভ কঠিন ব্যাপার। রাস্তায় পড়িয়া হাবুডুবু খাইতে হয়। ধনীর আরাধনায় অমূল্য-ধন সহজেই লাভ হইয়া থাকে। বিশেষতঃ শক্তিপথে খাড়া হইতে যোগের বাহার যতদূর প্রয়োজন, তাহা হইলেই সজ্জনগণ তাহা হইতে উঠাইয়া দিয়া থাকেন। আরো কারণ এই যে, কলিকালে কঠিন সাধন জীবের অনিষ্টজনক বলিয়াই এই সময় আজু গৌসাই গাহিয়াছিলেন :-

সত্য সনাতন ধর্ম ।

প্রসাদী সুর—তাল একতারা ।

“ডুবিস্নে মন ঘাড়ি ঘড়ি ।

দম্ আটকে যাবে তাড়াতাড়ি ॥

একে তোমার কফো নাড়ি ডুব দিওনা বাড়া বাড়ি--

তোমার হলে পর জ্বর জাড়ি যেতে হবে যমের বাড়ি ॥

আঁত লোভে তাঁতি নষ্ট মিছে কষ্ট কেন করি—

ও তুই ডুবিস্নে, ধরণে ভেসে. শ্রাম কি শ্রামার চরণ তরী ॥”

এর পর রামপ্রসাদ ঠিক হইলেন । পরে গাহিয়াছেন :—

প্রসাদী সুর—তাল একতারা ।

“এবার আমি সার ভেবেছি ।

এক ভাবীর কাছে তাব শিখেছি ॥

যে দেশে রজনী নাই না. সে দেশের এক লোক পেয়েছি--

আমার কিবা দিবা কিবা সন্ধ্যা, সন্ধ্যাকে বন্ধ্যা করেছি ॥

ঘুম ছুটেছে আর কি ঘুমাই যোগে যাগে জেগে আছি—

এবার যার ঘুম তারে দিয়ে ঘুমেরে ঘুম পাড়ায়েছি ॥

সোহাগা গন্ধক মিশায়ে সোণাতে রং ধরায়েছি--

মণি মন্দির মেজে দিব মনে এ আশা করেছি ॥

প্রসাদ বলে ভক্তি মুক্তি উভয়কে মাথে ধরেছি—

এবার শ্রামার নামটা ব্রহ্ম জেনে ধর্মকর্ম সব ছেড়েছি ॥”

ইহাতে বুঝিলেনত—রামপ্রসাদ কি প্রকারের শাক্তধর্মী ছিলেন !

প্রশ্ন = আচ্ছা রামকৃষ্ণ পরমহংসের কি রকম বলুন দেখি ?

উত্তর = রামকৃষ্ণ পরমহংসের যে বাহুল্প অবস্থার কথা প্রশ্ন করিয়াছেন, ইহাও সত্যের এক অঙ্গ—যোগেরই অবস্থা। পূর্বে এই সত্য সনাতন ধর্মের ত্রাসধর্ম নামের প্রসঙ্গে, ইহাদের প্রবর্তের সাধনের কথা এক সময়ে একটু বলিয়াছি। তাহাও এই যোগেরই কথা। রামকৃষ্ণ পরমহংসের এই বাহুল্প অবস্থা এবং তাঁহার মুখের উপদেশ শুনিয়া যে অবিচার বিদ্যায় বহু বিজ্ঞানেরও তাক লাগিয়াছে, এই গুণও তাঁহার এই সত্য সনাতন ধর্ম-সূত্র হইতে লাভ হইয়াছিল।

বাইশ ফাকিরের হাটের কথা একবার কথা-প্রসঙ্গে আপনার নিকট উল্লেখ করিয়াছি। সত্য সনাতন ধর্মের এক হাট ঘোষপাড়াত্তে এক সময় বসিয়াছিল। সেই হাটে অবশু তিনি যোগ দেন নাই, কিন্তু সেখান হইতে যখন এই হাট ভাঙ্গিয়া অগত্রে চলিয়া গেল, তখন ভাঙ্গা হাটের চুটকি দোকানদার হইতে সত্যের কিছু তিনি খরিদ করিয়াছিলেন। এই ভাবে না হউক, ঘোষপাড়ার উল্লেখ তাঁহার জীবনীতে আছে দেখিতে পাইবেন। ইহাতেই তাঁহার এই অবস্থা। ইহা সত্যের খাট অবস্থা হইলেও জগতের পক্ষে অতি উচ্চ অবস্থা।

কলিকাতার জ্ঞানৈক সজ্জন মুখে আমরা ইহাও শুনিয়াছি যে, কলিকাতাতে এই সত্য সনাতন ধর্মের বৈঠকে রামকৃষ্ণ পরমহংস একবার আসিয়া তাঁহার নিজের বাহুল্প লোপের অবস্থা জানাইয়াছিলেন। সজ্জন মহাজন তাঁহাকে এই অবস্থার অতীত করিয়া তুলিয়া আরো উত্তম লাভ করাইতে রূপাবিষ্ট হইয়া বলিয়াছিলেন যে “এও তোমার একটা রোগ, এদের সঙ্গ করিলে কিছুদিনেই তোমার এ রোগ

সত্য সনাতন ধর্ম ।

সারিয়া উত্তম হইবে।” তিনি এই সল্পদেশের ধর্ম না বুঝিয়া এই সল্প ছাড়িয়া দিলেন; গতিকেই এতাদিক কিছু হইল না। যাহা হউক রামকৃষ্ণের যাহা কিছু গুণমাহাত্ম্য ছিল, এও সত্য সনাতন ধর্মেরই জানিবেন। বর্তমান লাভের সম্পর্ক যেখানে আছে, সেখানেই এ ধর্মের সম্পর্ক আছে জানিবেন।”



— বাইশ ফকিরের হাট —

প্রশ্ন = এই যে আপনি বাইশ ফকিরের হাট বলেন, সত্য সনাতন ধর্মের বৈঠক বলেন—এ সব কি? বাইশ ফকিরই বা কে, হাটই বা কি, বৈঠকই বা কাকে বলেন?

উত্তর = রুন্দাবনের শ্রীদাম সুদামাদি দ্বাদশ গোপাল, ললিতা বিশাখাদি অষ্ট সখি এবং রাধাকৃষ্ণ এই বাইশ জনকে ইঁহারা বাইশ ফকির বলেন। এই সবেের মিলনস্থলকেই হাট বা বৈঠক বলা হয়।

প্রশ্ন = যাঁহাদের নাম আপনি বলিলেন, ইঁহারা ত দ্বাপরে রুন্দাবনে জন্ম গ্রহণ করিয়াছিলেন। আর কোথাও ঐ নামে কেহ জন্ম গ্রহণ করিয়াছেন বলিয়া ত কখনও শুনি নাই। কোন গ্রন্থে ত দেখা যায় না।

উত্তর = না, এই নামে জন্ম গ্রহণ করেন বটে কিন্তু ইঁহারা দ্বাপরের পরেও এই ভাবে প্রকাশ পাইয়াছেন, তাহা কতক গ্রন্থেও আছে বৈ কি?

নবদ্বীপের কথা চৈতন্য মঙ্গলাদি গ্রন্থে আছে, তাহাতে দেখিবেন এই সবেের উল্লেখ আছে। শ্রীচৈতন্যের সঙ্গী গদাধরকে শ্রীমতী, রামানন্দরায়কে বিশাখা সখি, নরহরিকে সখি মধুমতি, কলা কৃষ্ণ-দাস আর উদ্ধারণ দত্ত প্রভৃতিকে দাশশ গোপাল বলিয়া গ্রন্থাদিতে লিখিত হইয়াছে।

প্রশ্ন = আচ্ছা, বাইশ ফকিরের হাট বলিয়া আপনি যে সময়ের কথা বলেন, এই বাইশ ফকিরের নাম কি আপনি বলিতে পারেন ?

উত্তর = লৌকিক নাম দিয়া জগতে এই পরিচয় দিতে ইঁহারা ইচ্ছা করেন না। তবে ইঁহাদের এসময়কার বৈঠকে সময় সময় কোন কোন প্রশ্নের মধ্যে কারো কারো নাম উঠিলে “ইনি বাইশ ফকিরের একজন” এরূপ কথা হইয়া থাকে। সব নামই একভাবে বাহিরে প্রকাশ হইয়াছে, তাহা আপনার জানা না থাকিলে জানাইতে পারি। তাই বলিতেছি, বাইশ ফকিরের হাট ঘোষ পাড়া হইতে অন্তর্দান হওয়ার পর ঘোষ পাড়াতে কর্তাভজা বা শচীমার ধর্ম নামে একটা বহিস্মুখ ধর্ম এখনও ঘোষ পাড়াতে আছে। “ভারতবর্ষীয় উপাসক সম্প্রদায়” নামক বহিতে অক্ষয় কুমার দত্ত এই কর্তাভজা ধর্মের বিষয় লিখিতে বাইশ ফকিরের নাম উল্লেখ করিয়াছেন। অক্ষয় কুমার দত্ত বাইশ ফকিরের সত্য সনাতন ধর্মমণ্ডলীর কোন কথা পান নাই বলিয়াই, ফকির ঠাকুরের সম্বন্ধে যাহা লিখিয়াছেন তাহা অনেকই সত্য নহে, তথাপি আপনি বাইশ ফকিরের নাম বারবার চান বলিয়া এই হুত্রে প্রচারিত নামগুলি আপনাকে জানাইয়া দিতেছি :—

সত্য সনাতন ধর্ম ।

৩ অক্ষয় কুমার দত্তের প্রচারিত বাইশ ফকিরের নাম :—

১। হট্টঘোষ ।	১২। নিতাই ঘোষ ।
২। বেঁচু ঘোষ ।	১৩। আনন্দরাম ।
৩। রামশরণ পাল ।	১৪। মনোহর দাস ।
৪। নয়ন ।	১৫। বিষ্ণুদাস ।
৫। লক্ষ্মীকান্ত ।	১৬। কিন্নু ।
৬। নিতানন্দ দাস ।	১৭। গোবিন্দ ।
৭। খেলারাম উদাসীন ।	১৮। শ্যাম কাঁসারী ।
৮। কৃষ্ণদাস ।	১৯। ভীম রায় রজপুত্র ।
৯। হরিঘোষ ।	২০। পাঁচু রুইদাস ।
১০। কানাই ঘোষ ।	২১। নিধিরাম ঘোষ ।
১১। শঙ্কর ।	২২। শিশুরাম ।

আর একখানা হাতের লিখা বহিতে বাইশ ফকিরের নাম এক জায়গায় পাইয়াছিলাম, সেই নামগুলিও প্রায় সবই এক, তবে কিছু ভিন্ন আছে বলিয়া পৃথক করিয়া আবার বলিতেছি :—

জগদীশপুর নিবাসী	১। বেঁচু ঘোষ ।
”	২। শিশুরাম ।
”	৩। শঙ্কর ।
”	৪। কানাই ।
”	৫। নিতাই ।
”	৬। হরি ।

জগদীশপুর নিবাসী	৭।	পাঁচকড়ি।
” ”	৮।	নিধিরাম।
ঘশোহর নিবাসী	৯।	বড়রাম নাথ দাস।
” ”	১০।	আন্দিরাম।
” ”	১১।	নিত্যানন্দ।
” ”	১২।	নয়ান।
” ”	১৩।	লক্ষ্মীকান্ত।
” ”	১৪।	দেহু কৃষ্ণ।
” ”	১৫।	গোদা কৃষ্ণ।
” ”	১৬।	বিষ্ণু দাস।
” ”	১৭।	কিছু।
” ”	১৮।	গোবিন্দ।
” ”	১৯।	হটু ঘোষ।
” ”	২০।	মনোহর দাস।
ছহুকার নিবাসী	২১।	শ্রাম।
” ”	২২।	ভীম রায়।

সত্য সনাতন ধর্মের বর্তমান বৈঠক হইতে আমরা ২২ জনের লৌকিক নাম সব শুনি নাই। প্রসঙ্গ স্থলে যে কয়টা নাম মধ্যে মধ্যে শুনা যায়, ইহা ৮ অক্ষয় কুমার দত্তের প্রচারিত নাম মধ্যে সবই আছে। আর অল্প হাতের লিখা বাহি হইতে যে নাম সংগৃহীত বলিয়া বলিলাম, ইহাতে আমাদের শুনা একটা নাম অর্থাৎ ৮ রামশরণ পাল মহাশয়ের নাম নাই।

সত্য সনাতন ধর্ম ।

এই ত বাইশ ফকিরের নাম সম্বন্ধে সব বলিলাম, এই সকল সজ্জন যখন যে স্থানে উদয় হন, সেই স্থানেই তাঁহাদের হাট বলিয়া বলা হয়। কেবল এই বাইশ জনের মিলনই যে হাট, এমনও নহে। এই সকল সজ্জনগণের অপরাপর আরো অন্তঃসঙ্গী, সঙ্গী সহ মিলনকে বৈঠক বা হাট বলা যায়।

কর্তা ভজা

বা

শচী মায়ের ধর্ম ।

প্রঃ = শচী মায়ের ধর্ম কি ? শ্রীকৃষ্ণ চৈতন্যের মাতা যে শচী, সেই শচী দেবীর কোন ধর্ম নাকি ?

উত্তর = না, না এই যে বাইশ ফকিরের নাম বলিলাম, ইহার মধ্যে ঘোষপাড়া নিবাসী রামশরণ পাল নামে একজন ছিলেন। ঐ রামশরণ পালের স্ত্রীর নাম শচী। রামশরণ পালের বাড়ীতেই ফকির ঠাকুর থাকিতেন। তাঁহাদের দেহ ছাড়ার পর, শচী হইতে বহির্ভাবের এক ধর্ম, কর্তাভজা নামে চলিতেছে। ঐ কর্তা ভজা সম্প্রদায়ই শচীমার ধর্ম বলিয়াও বলেন। রামশরণ পালের বাড়ীতে ফকির ঠাকুরের গায়ের ছেড়া কাঁথা ছিল, ইহা নানা সাজে সজ্জিত করিয়া রাখিয়া শচী, ইহাতে পূজা নমস্কার করিয়া

মানসিক আদায় করিতেন. এবং একটা ডালিম গাছের নীচে ফকির ঠাকুর হাত পা ধোত ও আচমনাদি কার্য করিতেন, রোগ সারা, ছেলে হওয়া ইত্যাদি নানা প্রকার ঐহিক মানস সিদ্ধি হইবে বলিয়া ঐ ডালিম তলার মাটি খুঁড়িয়া লোককে দেওয়া হইত। অমূলক অনিত্য বাসনাময় ব্রাস্ত জীব, অসার কামনায় ইহা লইয়াই ধর্ম কর্ম করিতেছে মনে ভাবিয়া শচী মার ধর্ম বলিয়া ধর্ম সৃষ্টি করিল। বাউল, নেড়া নেড়ী, কিশোরী ভজার গায়, কর্তাভজা নামেও ঐ একটা হইল। এখনও বৎসর বৎসর দোলের সময় ঐ দলের অনেক লোক সেখানে যায়, সেই স্থানে মহাসমারোহ হয়। তথায় গিয়া পূজা বার্ষিক মানসিক আদায় করে. ঐ উপায়ে শচীর নামে এখনও বহুতর টাকা আমদানি হইতেছে। এসব নেড়া নেড়ীর হাটের রকম-বাবহার দেখিয়া গুনিয়া কলিকাতার বৈঠক হইতে গান হইয়াছিল :—

রাগিনী মিশ্র—তাল একতালা ।

“গোল মালে মাল লুটবে বলে হাটের নেড়া,

থাকে না কেউ আর হুঁক ছাড়া ॥

বিনে ঘরের বাদি জয়, মনে কল্পে কিত; হয়,

সেত নয় ডালিম তলা খোঁড়া ॥

দিয়ে রাঁড়ী ভুড়ি কাঁকি, বাহির কত্তে চাকি,

সর্বস্বই দেখি, দিচ্ছে তাড়া ॥

সত্য সনাতন ধর্ম ।

বলে রাঁড়ী চরকা তোল, কি আছে তা খোল,
এল রাস দোল হগে খাড়া ॥
যদি না থাকে কর ধার, এমন কর্ণধার,
কোথা পাবি আর ইহার বাড়া ॥
অঙ্গ স্পর্শ করলে তোর. ঘুচবে মনের ঘোর,
দেখবি সুখ সাগর খাড়া খাড়া ॥
শুধু দোহাই দিয়ে বাবু, মানুষ করে কাবু,
বুঝেনাক তবু নেড়ী নেড়া ॥
দিয়ে টাকা কাড়ি ঘুস, কুটিয়ে আনে তুঁষ,
এমনি বেহঁস মানুষ ভেড়া ॥
মানুষ মানুষের বন্ধু, প্রেমায়ুত সিন্ধু,
বিন্দু বিন্দু ভাবে জগৎ জোড়া ॥
রসের রসিক জনে কয়, কথা মিথ্যা নয়,
গাড়ায় কোথা পায় রসের গোড়া ॥”

রামশরণ পাল মহাশয় দেহ রাখার সময় ঐ শচী, পাল মহাশয়ের দেহান্তে কিরণে সংসার যাত্রা নির্বাহ করিবেন ভাবিয়া ব্যাকুল হইলেন। সংসার যাত্রা নির্বাহ করিতে অর্থের প্রয়োজন, পাল মহাশয়ের দেহান্ত হইলে অর্থাগমের উপায় কি হইবে ভাবিয়া আকুল হইয়া পাল মহাশয়ের কাছে কান্দিতে কান্দিতে বলিতে লাগিলেন “ভূমি ত চলিলে, আমার কি উপায় হইবে ?” পাল মহাশয় ইহাতে বলিলেন “এঁয়া ! সামান্য অর্থের জন্ত এত ব্যাকুল হয়েছিস, মানুষ চাহিলি না ! টাকা !! টাকা তোর পায়ে ফলবে—তোর টাকা

ভূতে যোগাবে।” সতের বাক্য অর্থ। এই শচীর নামে এখনও
এইরূপে কত টাকা যে ভূতে যোগাইতেছে, তাহা আর কি বলিব।
হঃখের বিষয় ঘাঁহার বাক্যে এত কিছু হইয়া যাইতেছে, তাঁহাকে
তাহারা চিনিয়া লইতে পারিল না।

প্রশ্ন = আচ্ছা, ফকির ঠাকুর আপনারা কাকে বলেন ?

উত্তর = ফকির ঠাকুর কে আপনি জানিতে চান ! বলুন ত আপনি
কে ? এইত আপনি সর্বদাই বলিতেছেন—আমার বাড়ী, আমার
ঘর, আমার স্ত্রী, আমার পুত্র, আমার ছাতি, আমার ধুতি, আমার
দেহ, আমার মন, আমার বুদ্ধি, আমার জ্ঞান, সব ত আমার—
বলুন ত আমি কে ? আমি কেমন জিনিষ তাকি জানেন ?

“আপনাকে না জানে জীব পরকে জান্তে চায়রে।

কাঠের পুতলি সম কুহকে নাচায় রে ॥”

আপনার এ প্রশ্নের উত্তর সর্বত্র প্রকাশ যোগ্য নয়, তবে প্রশ্ন-
সঙ্গে যে কথা আসে, তাহা কোন ভাবে প্রকাশ না করিয়াও পাস
যায় না, তাই বলিতেছি :—

শ্রীমদ্ভাগবত গীতার ৯ম অধ্যায়ে শ্রীকৃষ্ণ বাক্য প্রকাশ আছে :

“অব জানন্তি মাং মূঢ়া মানুষীংতনুমাশ্রিতম্ ।

পরং ভাবমজানন্তো মম ভূত মহেশ্বরম্ ॥”

অর্থাৎ আমি সর্বভূতের অধীশ্বর, আমি মানব শরীর অবস্থান
করিয়াছি বলিয়া মূর্খ লোকে আমার পরমতত্ত্ব জ্ঞাত হইতে না পারিয়া
আমাকে অবজ্ঞা করিয়া থাকে।

সত্য সনাতন ধর্ম ।

ফকির ঠাকুর কাকে বলি শুনিয়া কি হইবে? আশ্রিত বিনা যাঁহাকে দেখিয়াও কেহ বিশ্বাস করেন না, তাঁহার কথা শুনিয়া কাজ কি? যাক্—উত্তর কথা আপনার বলিয়া যাইতেছি। ইহাও এক কথাই শুনিয়া লউন। এই ফকির ঠাকুরই শ্রীকৃষ্ণ চৈতন্য মহাপ্রভু।

প্রশ্ন = ফকির ঠাকুর বলেন কেন ?

উত্তর = তিনি সেখানে, ছেড়া কাঁথা গায় সাধারণ রাস্তার ভিখারী ফকির বেশে নিত্য সঙ্গীদের কাছে ধরা পড়িয়া ছিলেন। বাহিরের লোক ঐ বেশ দেখিয়া তাঁহাকে ফকির ডাকিত। তাঁহার সঙ্গীগণ ফকির ঠাকুর বলিতেন। যাঁহারা তাঁহাকে জানেন, তাঁহারা যা ডাকেন, তাহাই সুন্দর। আত্মতত্ত্ব বিহীন জন, মানুষ পরিচয় করিতে অক্ষম। স্বরূপ পরিচয় না করিয়া আনুমানিক মাণ্ড ও কোন কাজে লাগে না বরং একে আর হইয়া বিরূপই হয়। ঐ শচীমার ধর্মীগণও ফকির ঠাকুরের দেহ রাখার পর ঠাকুরের মহিমা লোকমুখে শুনিয়া আনুমানিক গুণ মহিমা বিশ্বাসে পূজা বাসিক মানসিক আদায় করেন। ৩রামশরণ পালের পুত্র ছালালের বৈঠকের গান ও প্রসঙ্গের ছিবড়া লইয়া ইহাদের নিজের কাল্পনিক কারবার চলিতেছে। সেই সব গান ও প্রসঙ্গে—অনন্ত জগতের কর্তা, নিত্য মানুষই ভজনীয় শুনিয়া, সত্য নিত্য পরম পুরুষ সচ্চিদানন্দ বিগ্রহ কর্তাকে পরিচয় না করিয়া, সাধারণ জীব স্বয়ং কর্তা সাজিয়া, আত্ম স্বার্থ ভক্তনের ছড়াছড়ি জুড়িয়া কেবল লোকের

নিকট পরিচয় জ্ঞাত সুন্দর সুন্দর নাম—কর্তা ভক্তা ইত্যাদি বলিয়া পরিচয় দিতেছে ।

অন্ধকারময় ছায়াকে সূর্য্য বলা যেমন অপরিসীম ভুল, জীবকে ভগবান বা ভজনীয় কর্তা বলা তেমনি ভুল । জন্ম অন্ধ কখনও সূর্য্য দেখে নাই, সূর্য্যের জ্যোতি দেখে নাই । সূর্য্যের জ্যোতিতে আবরণ পড়িয়া যে ঘোর অন্ধকারময় ছায়া সৃষ্টি হয়—তাহাও প্রত্যক্ষ করে নাই । জন্ম অন্ধ, অন্ধকারময় ছায়া কি, বুঝিতে চাহিয়া—লোক মুখে শুনিতে পাইল, জ্যোতির্ময় সূর্য্যের জ্যোতিতে আবরণ পড়িয়া অন্ধকারময় ছায়া সৃষ্টি হইয়াছে । ছায়া অণু কিছু নয়, আবরণ ঘুচিলেই যে সূর্য্যের অভেদ জ্যোতির সঙ্গে মিশিয়া যায়, আর অন্ধকার রূপ থাকে না । ইহা শুনিয়া অন্ধ, অন্ধের নিকট ব্যাখ্যা আরম্ভ করিল, এই যে আধার দেখছ—ইহাই সূর্য্য । ইহা শুনিয়া যেমন জগতের চক্ষুস্থান ব্যক্তিগণের হাসি পায়—রাগ ধরে, জীবকে ভগবান বা ভজনীয় কর্তা বলিয়া কথা শুনিলে, দিব্য চক্ষুস্থান সজ্জনগণেরও তেমনি অন্তরে বাথা জন্মে ।

নবদ্বীপে মুরারী গুপ্ত সত্য অবগতির পূর্বে, একদিন নিজ-ভ্রান্তি ভঞ্জন কয়েক জনের নিকটে বসিয়া হাত মুখ মাথা নাড়িয়া জীবে ভগবানে অভেদ ব্যাখ্যা করিতেছিলেন । শ্রীচৈতন্য মহাপ্রভু তাহা দেখিতে পাইয়া তাহার সঙ্গে সঙ্গে অঙ্গ ভঙ্গি করিয়া তাহাকে ব্যঙ্গ করিয়াছিলেন, এবং এই সম্বন্ধে সত্বপদেশ দেওয়ার জন্ত মুরারী গুপ্তের খাওয়ার সময় তাহার খালে মৃতিতে মৃতিতে বলিয়াছিলেন :—

সত্য সনাতন ধর্ম ।

“জীব আর ভগবানে অভেদ যেনা করে ।

প্রস্রাব করি আমি তার খালার উপরে ॥”

শ্রীচৈতন্য মঙ্গল গ্রন্থের আদি খণ্ডে এই ঘটনাসী—“মুরারী গুপ্তকে
প্রভু কি করিয়াছিলেন ও কি উপদেশ দিয়াছিলেন—লিখিত
আছে। একটু শুনুন :—

“তরঙ্গ না হয়ো তুমি, এইখানে আছি আমি,

ভোজন করহ বাণী কৈল ।

মধ্য ভোজন বেলা, ধীরে ধীরে নিয়ড়ে গেলা,

খাল ভরি মৃত মৃতিল ॥

কি কি বলি ছি ছি করি, উঠিলা সে মুরারী,

করতালী দিয়া গেলা গোরা ।

কর শির নাড়িয়া, ভক্তি পথ ছাড়িয়া.

যোগবলে এই এই অভিপাড়া ॥

জ্ঞান কন্ম উপেক্ষিয়া, কৃষ্ণ তজ মন দিয়া.

রসিক বিদগ্ধ চিদানন্দ ।

ভৌতিকে তাহার দৃষ্টি, এ নহে তজন পুষ্টি,

নাহি বৃদ্ধ বুদ্ধি অতি মন্দ ॥

পরম দয়ালু হরি, তেঁহো সর্ব শক্তিধারী,

জীবেতে সম্ভবে একি কথা ।

তেঁহো ব্রহ্ম সনাতন, গোপীর জীবন ধন,

না বুঝিয়া কেনে দেহ ব্যথা ॥”

মানুষ-ভজন, গুরু-ভজন ইত্যাদি সাধুবাক্য ও সাধু শাস্ত্র গুনিয়া কত ক্ষুদ্র জীব যে কর্তা সাক্ষিয়া বসিয়াছে, তাহা কত বলিব। আজ কাল কেবল সুমধুর নামে নামী হইতে সকলেই ইচ্ছুক। কাজের বেলা কিছুই নয়। কাজের খবর কেহই করিতে চায় না। আপনাকে আপনি চিনি না, কর্তা চিনিব কিরূপে? কর্তা চিনি না—কর্তা-ভজা নামে কি ফল! সেই অনন্ত জগতের কর্তা মহাপ্রভু কোথায়—কে তাহা খবর করে?



মহাপ্রভু

লুকালেন কি রকম?



প্রশ্ন = শ্রীকৃষ্ণ-চৈতন্য মহাপ্রভু লুকায়িয়াছেন বলিয়া আপনি বলিয়াছেন।
এছাদিতে ত তাহা কিছু দেখি না, লোক মুখে শুনা যায়। কেহ বলে—সমুদ্রে ঝাঁপ দিলেন, কেহ বলে—গোপীনাথ মন্দিরে ঢুকিয়া গোপীনাথ মূর্তিতে মিশিয়া গেলেন। সমুদ্রে ঝাঁপ দেওয়ার কথা আর গোপীনাথ অঙ্গে মিলনের কথা লোকে বলে কেন? আর আপনি যে তিনি লুকালেন—কথা বলেন, সেই বা কি রকম?

উত্তর = পূর্বে যে একবার বলিয়াছি, তিনি অদ্বৈত গোঁসাইর “হাটে

সত্য সনাতন ধর্ম ।

না বিকাল চাউল” সংবাদ পাইয়া অতিশয় ব্যাকুল হইলেন । ঐ ব্যাকুলতায় উন্নত হইয়া তিনি একবার সমুদ্রেও ঝাঁপ দিয়াছিলেন । তাহাতে জ্বলেগণ তাঁহাকে সমুদ্র হইতে তুলিয়াছিল । ইহা গ্রন্থাদিতে বিস্তারভাবে লিখিত আছে । এই স্থলে অধিক বলার প্রয়োজন নাই । তিনি সমুদ্রে ঝাঁপ দিয়াছিলেন বলিয়া সমুদ্রে ঝাঁপের কথা বলে, কিন্তু তিনি সমুদ্রে ঝাঁপ দিয়া দেহ ছাড়েন নাই । গোপীনাথের অঙ্গে মিশার কথা যে বলে, ইহারও কারণ আছে । অষ্টমের সংবাদে ব্যাকুলতার সময় তিনি গোপীনাথের মন্দিরের সাক্ষাৎ বহলোককে লইয়া কীৰ্ত্তনে ছিলেন । তাহাতেও দেখিলেন—সকলে কেবল বাহু লইয়া গোল করিতেছে—হাটে চাউল বিকায় না । তাহাতেই এদের ছাড়িয়া গোপীনাথের মন্দিরে ঢুকিলেন । কীৰ্ত্তন শেষ হইলে সকলেই তাঁহাকে খুঁজিতে আরম্ভ করিল । গোপীনাথের মন্দিরে ঢুকিতে অনেকেই দেখিয়াছিল, তাই খুঁজিতে মন্দিরে ঢুকিল । সেখানে গিয়া দেখিল, গোপীনাথ মূর্তির কাছে কেবলমাত্র একজন জোটে চাপদেড়ে মাহুষ । তাঁহাকে জিজ্ঞাসা করিল, আমাদের প্রভুকে কি দেখিয়াছেন ? তিনি বলিলেন “হিঁয়া আউর কই নেহিহে, খালি হাম হে” । তাহাতে তাহারা খুঁজনের চেষ্টা ছাড়িয়া কেহ কেহ মনো করিল, তিনি গোপীনাথের অঙ্গে মিশিয়া গিয়াছেন ।

তিনিই কিন্তু বেশভূষা ছেড়ে জোটে চাপদেড়ে সেজে, তখনও ঘরে ছিলেন, পরে ঐ বেশে এ সবের সঙ্গ ছাড়িয়া চলিয়া আসিলেন । সজ্জন সমাজে এখনও পূর্ব রচিত গান গাওয়া হয় ।

রাগিণী ললিত—তাল আড়াঠেকা ।

“আগে মন করনি যতন হারাধন পাবে কার কাছে ।
 এড়ে কি ধরা যায় তেড়ে সে শুড়ে বালি পড়েছে ॥
 মস্তকে রেখে সে মণি, পরমাত্মা স্বরূপিণী,
 স্তম্ভ করিয়া ফণি, সে ধনী নিদ্রিত আছে ।
 স্মেরু গহ্বরে ফণি, কে জাগাবে কাল সাপিনী,
 বিনে সঙ্গ কুণ্ডলিনী, যা ভাষ সকলি মিছে ॥
 কে আর সম্ভবে জানী, কীট পতঙ্গ আদি প্রাণী,
 ফণীন্দ্র মণীন্দ্র মণি, উর্দ্ধ মধ্য আর নীচে ;
 ত্রিদেব হইয়ে দৈন্ত, ত্রিলোক দেখিছে শূন্ত,
 জীবে কি সম্ভবে গণ্য, সচৈতন্ত কে আর আছে ॥
 কে বটে জোটে চাঁপদেড়ে, না চিনে দিয়েছ ছেড়ে,
 কপাল গিয়েছে পুড়ে, মণি কি আর মিলে কাচে ।
 ভ্রমিছ কি উড়ে উড়ে, স্বর্গ মর্ত পাতাল বেড়ে,
 হারিয়ে শিঙ্গে শুধু ফুঁপেড়ে, হৃদয়ের সাধ কি বোলে বুচে ॥

প্রশ্ন = এরপর তিনি কোথায় গেলেন ?

উত্তর = এরপর তিনি রাস্তা, ঘাটে, পথে আপথে, এদিকে, সে দিকে একক ঘুরিতে লাগিলেন । দেখিতে লাগিলেন—অমূল্যধনের সত্য-পিপাসিত হইয়া কোন জীব তাঁহার কাছে আসে কি না । অনেক দিন একরূপে ঘুরিলেন, দেখিলেন কেহই পিপাসিত অন্তরে তাঁহার কাছে আসিতেছে না । এ রকমে একদিন তিনি নদীর পার দিয়া ঘুরিতেছেন, ঐ সময়ে এক সঙ্গার নৌকায় মাল বোঝাই দিয়া

সত্য সনাতন ধর্ম ।

ব্যবসা করিতে নদী দিয়া চলিয়াছে। তিনি শার হইতে জিজ্ঞাসা করিলেন “ওগো সওদাগর, তোমার নৌকায় কি বোঝাই?” সওদাগর তাহার নৌকায় যে মাল ছিল, তাহারই কথা বলিল। কতক্ষণ পরে আবার জিজ্ঞাসা করিলেন “ওগো সওদাগর, তোমার নৌকায় কি বোঝাই?” সেও পূর্ববৎই উত্তর দিল। তৎপর আবার তিনি ডাকিতে ডাকিতে জিজ্ঞাসা করিলেন “ওগো সওদাগর, তোমার নৌকায় কি বোঝাই করিয়া চলিয়াছ?” বার বার একই প্রশ্ন করায় সওদাগর বিরক্ত হইয়া উত্তর দিল: “লতাপাতা বোঝাই”। তিনি তখন বলিলেন “আচ্ছা বেশ”। ইহাতে তাহার নৌকার মাল সবই লতাপাতা হইয়া গেল। ইহা দেখিয়া এই মনুষ্যটী সামান্য নয় ভাবিয়া নৌকা রাখিয়া, সওদাগর তাহার পায়ে জড়াইয়া ধরিয়া পড়িল, আর বলিতে লাগিল: “আপনি কে বলুন, আমার সর্বনাশ হইয়াছে, আমাকে রক্ষা করুন।”

রক্ষা করুন বলিতে, জীবের পক্ষে যে অতি উত্তম রক্ষা, সে তাহা চাহিল না। চাহিল কেবল তাহার নৌকার মাল যে লতা পাতা হইয়া ক্ষতি হইয়াছে, এই ক্ষতি সারিয়া দিতে। এই প্রার্থনায় সে নানা প্রকার ব্যস্ততা, অনুনয়, বিনয়, নমস্কার করিয়া পায়ে ধরিয়া কান্দিতে লাগিল। এবং পরিচয় চাহিলে তিনি বলিলেন “তুই যাহার পরিচয় চাস, তিনি সত্য নারায়ণ জানিবি।”

এই কথা শুনিয়া “বাবা, সত্য নারায়ণ, বাবা সত্য নারায়ণ, আমাকে রক্ষা করুন, আমাকে রক্ষা করুন, বলিয়া কান্দিতে লাগিল,

আর বলিতে লাগিল “তোমার কাছে আমার অপরাধ হওয়ার আমার নৌকার মাল সব লতা পাতা হইয়া গিয়াছে, আমার সর্বনাশ হইয়া গিয়াছে। বাবা সত্য নারায়ণ, তুমি রুপা করিয়া আমার অপরাধ মুক্ত করতঃ আমার নৌকার মাল সব পূর্ববৎ করিয়া দিয়া রক্ষা কর।” তিনি বলিলেন “এই মাত্র তুই চাস, অণু কিছু নয়। যা—যা! তবে সত্য নারায়ণের পূজা দিস, তোর নৌকায় যে মাল ছিল সেই মালই হইবে।” সওদাগর জিজ্ঞাসা করিল সত্য নারায়ণের পূজার বিধি কিরূপ? ভ্রান্ত সওদাগর বুঝিল না কার কাছে আসিয়াছে, কার পূজা কি ভাবে করিতে চাহিতেছে। বাসনাময় অন্তরে ব্যাকুল হইয়া পূজার বিধি চাহিতেছে, সত্যানুরাগ ইহার কিছুই নাই দেখিয়া—অথচ দূরে থাকিয়া কাল্পনিক পূজাই করিতে চায় বলিয়া—প্রভু বৈধ নিয়মে সত্য নারায়ণের পূজার এক বিধি বলিয়া দিলেন। ভ্রান্ত সওদাগর ইহাতেই সন্তুষ্ট হইয়া চলিয়া গেল। দূরে থাকিয়া বাহ পূজাতে সামান্য স্বার্থ উদ্ধার করিয়া স্থির হইয়া রহিল। অধিক আর কিছুই চাহিল না।

এইরূপে তিনি ঘুরিতে ঘুরিতে এক দিন, এক ব্রাহ্মণ তাঁহার ফকির বেশ দেখিয়া মনে মনে ভাবিতে লাগিল—এই ফকিরটা—দেখিতে,—হাব ভাবে,—চেহারায়া, বড়ই তেজস্বী বোধ হইতেছে। ইহার কাছে অবশ্য কোন গুণ আছে। ইহার কাছে কিছু চাহিলে হয়ত পাওয়া যাইতে পারে। ঐহিক বাসনাময় ভবকূপে পতিত ব্রাহ্মণ, তাহার ঐহিক নানা কামনা সিদ্ধি মনস্বে, তাঁহাকে নানারূপ কাকূতি মিনতিতে জড়াইয়া ধরিল। পূর্ব কথিত সওদাগরের ত্যায়

সত্য সনাতন ধর্ম ।

এই ব্যক্তির সেইরূপ ক্ষুদ্র বাসনাময় ব্যগ্রতা দেখিয়া প্রভু বলিলেন, “যা সত্যপীরের পূজা দিস, তোর সব কামনা সিদ্ধ হইবে।” ব্রাহ্মণ বলিল “সত্যপীর কে?” তিনি বলিলেন “তুমি যাহার কাছে প্রার্থনা করিতেছ—সেই সত্যপীর।” অভিমানী ব্রাহ্মণ উত্তর করিল, “আমি ব্রাহ্মণ, আমি পীরের পূজা করিব কিরূপে? তা হলে লোকে আমাকে সমাজ হইতে বহিস্কৃত করিবে।” তিনি বলিলেন “সত্য নারায়ণের সেবা করিতে পারিস্ ত? যেই সত্যপীর—সেই সত্য নারায়ণ।” ব্রাহ্মণের আবার প্রশ্ন উঠিল, পীর—নারায়ণ হবেন কিরূপে? প্রভু অর্মানি বলিলেন “কিরূপে? দেখতে চাস্ ত এই দেখ” বলিয়া তিনি তাঁহার ঐশ্বর্য্য রূপে চতুর্ভূজ নারায়ণ রূপে সাক্ষাৎ দাঁড়াইলেন। ব্রাহ্মণ চমৎকৃত হইয়া তৎক্ষণাৎ পায়ে পড়িল, কিন্তু তথাপি হুঁভাগার কুমতি গেল না। এমন দর্শন সাক্ষাৎ দেখিয়াও তাঁহার পাদপদ্মে প্রাণ সমর্পণ করিয়া নিত্য সত্য অমূল্য ধন মাছুষ রতন কিনিতে পারিল না, ঐহিক বাসনা ছাড়িল না। ঐহিক কামনা সিদ্ধির জন্মই ব্যাকুল হইয়া পায়ে পড়িয়া প্রার্থনা করিতে লাগিল। ইহাতেও দেখিলেন সত্য লাভের পিপাসা নাই। এও কেবল অসার বস কামনার সত্য নারায়ণের পূজার নিয়ম বিধি চাওয়ায় সেই রকম নিয়ম বিধি শুনালেন। ইহাতেই এই ব্রাহ্মণও সন্তুষ্ট হইয়া চলিয়া গেল। এই সব ঘটনা সত্য নারায়ণের পুঁথিতেও আছে। সত্য নারায়ণের মূল সত্যতত্ত্ব না জানিয়া লিখায় পুঁথিতে সব নাই বটে, অথচ লিখাতে গোল আছে, কিন্তু ঘটনা বহিতেও দেখা যায়।

এইরূপে তিনি তাঁহার কোল প্রার্থী কেহ আছে কি—না, খুঁজিয়া নানা স্থানে অনেক দিন একাকী ঘুরিয়া বেড়াইতে লাগিলেন ।

প্রশ্ন = সকলকে ছাড়িয়া তিনি লুকাইয়া একা বেড়াইলেন, তবে নিত্য সঙ্গী বলেন কাকে ? সঙ্গীগণকে যদি ছাড়িয়া গেলেন, তবে নিজ সঙ্গী কি রকম ?

উত্তর = নিত্য সঙ্গীর সঙ্গে তাঁহার নিত্য মিলন নিত্যই থাকে । তাহা কখনও ছাড়াছাড়ি হয় না । নিত্য সঙ্গীদের উদয় স্থানই—
বন্দাবন । প্রভু বাক্যে প্রকাশ আছে :—

“বন্দাবনং পরিত্যজ্য পাদমেকং ন গচ্ছামি ।”

বন্দাবন পরিত্যাগ করিয়া আমি এক পদও সরি না । কিন্তু বহিষ্কৃতনে সময় সময় কার্য্য কারণে বিচ্ছেদ হয় । নিত্য সঙ্গীগণের নিত্য সঙ্গে থাকিয়াও এই প্রকার বিচ্ছেদ সময় সময় হইয়া থাকে । যেমন বন্দাবন হইতে মথুরায় যাওয়ায় ব্রজবাসীদের হইয়াছিল । তাঁহাদের প্রেমসুখের গাঢ়তার জগুই এই বিচ্ছেদ, এ ছাড়া ছাড়ি নয়, ইহা প্রেম পোষক খেলা । যাক এসব জ্ঞান বুদ্ধিতে বুঝিবার নয় । গ্রন্থাদি পাঠ ও শ্রবণে অবশ্য উদ্ধবের বিষয় জানেন, উদ্ধব সাধনে আত্মতত্ত্ব সম্পন্ন হইয়াও এই মর্শ্ব না বুঝিয়া ব্রজবাসীদের নিকট যোগতত্ত্ব বেচিতে গিয়াছিলেন । উদ্ধবের মুখে—যোগ দ্বারা নিত্য মিলন থাকিবে উপদেশ শুনিয়া, ব্রজবাসীগণ তাঁহাকে বলিয়াছিলেন, “উদ্ধব ! তুমি ছেলে মানুষ, কৃষ্ণ প্রেমের বালক, তুমি বুঝিবে না আমরা ব্যাকুল কেন ? তুমি যে যোগের উপদেশ দিতেছ, এ যোগ আমাদের কখনও বিয়োগ হয়

সত্য সনাতন ধর্ম ।

না। ইহা আমাদের নিত্যই আছে, ছাড়িলে ও ছাড়ে না” নিত্য সঙ্গীদের এই নিত্য মিলনের বিষয় আপনাকে কি করে বুঝাব। এই রসের খেলা যাদের সঙ্গে হয়, তাহারাই মাত্র ইহা জানেন। নিত্য সঙ্গী রসিক ভক্ত ব্যতীত এই মর্ম্ম কাহারও বোধ হইবার নয়।

ভক্ত সঙ্গে রসের খেলা ও জীব উদ্ধার দুইটী কাজই তাঁহার। স্বাপরে যেমন ভূভার হরণ কার্য—কংস বধ জ্ঞা বৃন্দাবনের রসের খেলা ভঙ্গ করিয়া মথুরায় গিয়াছিলেন। এই স্থানে জীব উদ্ধার জ্ঞা ব্যাকুল হইয়া রসের খেলার হাট ভাঙ্গাপড়িল। এই ভাঙ্গাও—নিত্য সঙ্গীগণ লইয়া নব্য ভাবে রসের হাট জুড়িবার জ্ঞা।

প্রশ্ন = নিত্য সঙ্গীগণ এই অবস্থায় কি করিলেন ?

উত্তর = সঙ্গীগণ তাঁহাকে হৃদয়ে লইয়া, তাঁহার সুধাময় চন্দ্র বদন খানি খঁজিতে লাগিলেন। যাঁহাদের দেহ ছাড়ার সময় হইয়াছিল, তাঁহারা দেহ ছাড়িয়া প্রভুর আকর্ষণে প্রভুসঙ্গে মিলন প্রতীক্ষায় যথা স্থানে পৌছঁ ছিয়া নূতন দেহ ধারণ করিয়া রহিলেন।

প্রশ্ন = এই দেহেতে কি কারো সঙ্গে মিলন হইল না ?

উত্তর = হঁ।—হইয়াছিল।

প্রশ্ন = এইরূপে মিলন কিরূপে কাহার সহিত ঘটিল বলুন দেখি ?

উত্তর = ঘুরিতে ঘুরিতে তিনে একসময়ে আকবর বাদসাহের দরবারে উপস্থিত হইলেন। আকবর বাদসার কতকটা সত্যের পিপাসা আছে দেখিয়া তাহার প্রতি কৃপাবিষ্ট হইলেন। তাহাকে আপন করিয়া লওয়ার জ্ঞা তাহার রাজকার্যের কর্মচারী স্বরূপে নিযুক্ত হইয়া বাদসার ওখানে রহিলেন। সেখানে তিনি তাঁহার নাম

বলিলেন—সনাতন । তিনি তাঁহার নির্দিষ্ট কাজ কর্ষ যথা নিয়মে নিজের আহারাদি প্রস্তুত সম্বন্ধীয় সব কাজ নিজ হাতে করতঃ অতি সাধারণ ভাবে সেখানে থাকিয়া ফাঁকে ফাঁকে সময় মত আকবর বাদসার নিকট বসিয়া সংপ্রসঙ্গ করিতেন । আকবর বাদসাহও তাঁহাকে অতিশয় ভাল বাসিতেন । এই ভাবে কতক দিন চলিতেছে, এমন সময় নিত্যানন্দ তাঁহাকে খুঁজিতে খুঁজিতে আসিয়া দেখিলেন যে, তিনি সনাতন নামে পরিচিত হইয়া এখানে আছেন । তিনি লুকাইয়া ভিন্নরূপ ধরিয়াছেন দেখিয়া, নিত্যানন্দও ভিন্ন রূপ ধরিলেন । নিত্যানন্দ মেয়ে লোকের কাপড় পরিয়া মেয়ে লোক সাজিয়া একটু আড়ালে আড়ালে থাকিয়া তাঁহার কার্য দর্শন করিতে লাগিলেন । নিত্যানন্দ দেখিলেন রন্ধনাদি কাজ কর্ষ তিনি নিজ হাতে সম্পন্ন করিতে বড়ই কষ্ট করেন, তাই নিত্যানন্দ ঐ মেয়েলোক বেশে যথা সময়ে তাঁহার বাসঘরের সমস্ত কাজ কর্ষ করিয়া রাখিতে আরম্ভ করিলেন । তিনি এসব ব্যবহার দেখিয়া বলিলেন “তুমি কেগো, তোমার নাম কি, কেনই বা তুমি আমার এসব কাজ কর্ষ করিয়া দিতেছ ?” মেয়ে বেশ ধারী নিত্যানন্দ বলিলেন :— “ওগো, আমার আর সংসারে আমার বলিতে কেহ নাই, আমার নাম সোণাদাসী । তুমি কাজ কর্ষ করিয়া বাপায় আসিয়া আবার এসব কাজ নিজে করিয়া বড় কষ্ট কর, আমি তোমারই দাসী হইয়া থাকিব, তাই তোমার এসব কাজ করিতেছি । আমার আর কোথাও যাওয়ার স্থান নাই, আমার কেহ নাই, তুমি যদি

সত্য সনাতন ধর্ম ।

রূপা করিয়া ইহাতে কোন আপত্য না কর তবেই স্থান পাই।
প্রভু তখন ও নিত্যানন্দের পরিচয় করেন নাই। তিনি বলিলেন—
“আচ্ছা, বেশ, থাক।” এইরূপে নিত্যানন্দ সেখানে থাকিয়া
প্রভুর সেবা কার্য্য করিতে থাকেন।

কতক দিন পর এক দিন বাদসা সনাতনের কার্য্যে সন্তুষ্ট হইয়া
সনাতনকে বলিলেন “আপনার কার্য্যে আমি বড়ই তুষ্ট হইয়াছি, আমি
এই জন্ম একটা পুরস্কার দিতে ইচ্ছা করি, আপনি আপনার ইচ্ছামত
একটা জিনিষ যা চাহিবেন তাহা আমি দিব। আপনি কি চান বলুন
তিনি বলিলেন “আমার কিছুই আবশ্যক নাই, আমার অনায়াসেই
সব চলিতেছে, পুরস্কারের আমার কোন প্রয়োজন নাই”। তনু
বাদসা পুরস্কার দিতে বার বার পীড়াপীড়ি করিলে তাঁহার হঠাৎ মনে
পড়িল যে—“আমার এখানেত একটা মেয়ে লোক আছে, সেত আমার
কাজ কর্ম্ম নিঃস্বার্থে করিয়া দিতেছে, তাহাকে ত আমি কিছু কখনও
দিই নাই, তবে এই সুবিধায় তাঁহাকেই একটা জিনিষ দিয়া দিই।”

তাই বলিলেন “আমার এখানে একটা মেয়ে লোক থাকিয়া
আমার রন্ধনাদি কার্য্য করে, যদি একান্ত আপনার পুরস্কার দেওবার
মনস্থ হইয়া থাকে, তবে তাহাকে একখানা কাপড় দিতে পারেন।
বাদসার দানের পক্ষে কাপড় একখানা অতি সামান্য বস্তু, তাই
যতদূর বেশী মূল্যে পারেন, একখানা ভাল কাপড় পুরস্কার স্বরূপে
দিলেন। তিনি এই বস্ত্র খানা লইয়া ঘরে গেলেন, গিয়া সোণা
দাপীকে বলিলেন—“ওগো, আজ বাদসা সন্তুষ্ট হইয়া এই কাপড়
খানা দিয়াছেন, ইহা নেও—তুমি পরিধান করিও।”

সোণাদাসী নত্নভাবে অতি আনন্দের সহিত ইহা গ্রহণ করিয়া ঘরে যথা স্থানে রাখিলেন। পরে সোণাদাসী তাঁহাকে আহারে বসাইয়া অল্প দিনের ঞায় অতি যত্ন সহকারে অন্ন ব্যঞ্জনাদি পরিবেশন করিতেছেন, অন্ন ব্যঞ্জন সেবা শেষ হইয়া আসিলে দুগ্ধ দিবেন, এমন সময় দেখিলেন—দুগ্ধ ঠাণ্ডা হইয়া রহিয়াছে। তাই তাড়াতাড়ি দুগ্ধ গরম করিয়া দিতে উল্লুনে বসাইলেন, কিন্তু আঙুন ধরাইবার চেষ্টা করেন, এমন পাতলা লাকড়ি অভাবে আঙুন কিছুতেই ধরিতেছে না। এদিকে দেখিলেন—তিনি ব্যঞ্জন আহার শেষ করিয়া ছুন্ধের অপেক্ষায় বসিয়া আছেন। ইহা দেখিয়া আর সহিতে পারিলেন না, অমনি তাড়াতাড়ি আঙুন ধরাইয়া দুগ্ধ গরম করিবার জন্ত দৌড়িয়া সেই বহু মূল্য বস্ত্র খানা আনিয়া ছড়্, ছড়্ করিয়া মুহূর্ত্ত মধ্যে ছিঁড়িয়া উল্লুনে দিয়া আঙুন ধরাইয়া দিলেন। প্রভু এই দৃশ্য স্বচক্ষে দেখিয়া বুঝিলেন, এ সোণাদাসীত সাধারণ মানুষ নন। অমনি গিয়া জড়াইয়া ধরিয়া বলিলেন—“তুমি কে গো?” সোণাদাসী নামধারী নিত্যানন্দ প্রেমাশ্রু বর্ষিত নয়নে গদগদ স্বরে বলিলেন—“প্রভু, আমি তোমারই দাসী।” পরস্পর মুখের দিকে চাওয়া চাওয়ি হওয়া মাত্রই চিনিতে পারিয়া “ও তুমি ভাই নিত্যানন্দ, আর কার এমন ব্যবহার হইবে?” এই বলিয়া বুকু বুকু মিশাইয়া উভয় উভয়কে জড়াইয়া ধরিয়া মিলন সুখে পরস্পর প্রেমানন্দে ভাসিতে লাগিলেন। পরে উভয়ে কথাবার্তা আরম্ভ হইল। প্রভু বলিলেন “ভাই নিতাই, আমার কাছে তোমার নিজের পরিচয় না দিয়া সোণাদাসী বলিয়া এত দিন একরূপে রহিলে কেন?”

সত্য সনাতন ধর্ম ।

নিত্যানন্দ বলিলেন “তুমি যেমন সনাতন, আমিও তেমনি সোণাদাসী । তুমি সনাতন কেন ?” এরূপে তাঁহাদের মধ্যে রসিকতা হইল, পরস্পর প্রেমালাপে আনন্দে ভাসিতে লাগিলেন । এই পরিচয়ও মিলনের পর সাধারণে ইহা বাক্ত হওয়ার পূর্বেই, সেখানে আর দুই দেহ রহিল না ॥ নিত্যানন্দ শ্রীচৈতন্যের অপ্রে মিশিয়া গেলেন, এই সব খবর সাধারণে কই পাইল না ।

প্রশ্ন = প্রভু তার পর কি করিলেন ?

উত্তর = তিনি যে লোতে এখানে বাদসার চাকুরীতে নিযুক্ত থাকিয়া

বাস করিতেছিলেন—দেখিলেন, ততদূর এখানে কিছু হইবার নয়.

তাই আকস্মিক বাদসার বাড়ীও ছাড়িলেন ।

প্রশ্ন = পরে কোথায় গেলেন ?

উত্তর = এর পরের অনেক ঘটনা, শ্রীযুক্ত পূর্ণ চন্দ্র গুপ্ত মহাশয়ের প্রকাশিত সাধু সঙ্গীতে ৩নব কিশোর গুপ্ত মহাশয়ের ধর্ম জীবনী খণ্ডে লিখিত আছে,—তাহা দেখিলেই জানিতে পারিবেন । তবে মোটের উপর কথাটী এখানে বলিয়া ফেলি । তার পর ভিখারী ফকির বেশে নানা স্থানে ঘুরিয়া নানা স্থানে নানা অলৌকিক দৃশ্য দেখাইয়া ঘোষ পাড়া গিয়া তাঁহার নিত্য সঙ্গীগণকে প্রকাশ করিয়া হাট বসালেন । তাহারই নাম পূর্বে অনেক বার বলিয়াছি,—“বাইশ ফকিরের হাট” । তৎসময়ের একটা গান বলিতেছি

শ্লোকন :—

গীত ।

“এ ভাবের মানুষ কোথা হতে এল ।

এর নাহিক রোষ সদাই তোষ মুখে বলে সত্য বল ॥

এর সঙ্গে বাইশ জন, সবার একটী মন,

জয় কর্তা বলি, বাহু তুলি কল্পে প্রেমে ঢলাঢল ।

এযে হারা—দেওয়ান, মরা বাঁচায় এর ছকুমে গঙ্গা শুকাল ॥”

এই গানটী ৬ অক্ষয়কুমার দত্তের প্রণীত বহিতে প্রকাশ আছে ।

ঘোষপাড়ায় এই ফকির ঠাকুরের বিষয় পূর্ণচন্দ্র গুপ্ত মহাশয়ের লিখাতে অনেক আছে । ইহা সব বলিতে গেলে বিস্তারিত প্রসঙ্গ হইয়া পড়ে । কথিত ৬ মবকিশোর গুপ্ত মহাশয়ের ধর্ম জীবনী বহিখানা দেখিলেই সে সব জানিতে পারিবেন, তবে ফকির ঠাকুরের দেহ রাখা বিষয়টী সেই বহিতে নাই, তাহাই মাত্র বলিতেছি । ফকির ঠাকুর ঘোষপাড়ায় ৬রামশরণ পাল মহাশয়ের বাড়ীতেই থাকিতেন । দেহ ছাড়ার পূর্বেই রামশরণ পালের বাড়ী হইতে অগ্ৰত চলিয়া গেলেও রামশরণ পালের সঙ্গে মিত্য সংস্রব ছিল । রামশরণ পাল বাইশ ফকিরের একজন । আমরা কেবলমাত্র জানি ঘোষপাড়ার বাইশ ফকিরের পূর্ণ হাটে তিনি দেহ ছাড়িয়া ছিলেন । ঘোষপাড়া গ্রামে না অথ কোন গ্রামে তাহা ঠিক করিয়া কোন সাধুজন মুখে শুনি নাই । এরূপ কোন প্রশ্নও আমাদের মনে হয় নাই । তবে ৬ অক্ষয়কুমার দত্ত এক গ্রামের নাম লিখিয়াছেন, তাহা আমরা জানি না । যাক্ যাহা বলিতে মনে হইয়াছে তাই বলি :—

সত্য সনাতন ধর্ম ।

ফকিরঠাকুর দেহ ছাড়িলেন পর ৬রামশরণ পাল প্রভৃতি একদল সেই দেহ অগ্নিতে সংকার করিবেন বলিয়া মনস্থ করিলেন। ভক্তগণ মধ্যে আর একদল এ দেহ মৃত্তিকাপুত করিবেন বলিয়া মনস্থ করিলেন। ইহাতে এই দুই দলে এই বিষয়ে তর্ক বাজিয়া উঠিল। কিছুই মীমাংসা হয় না। এ তর্কে অনেক সময় চলিয়া গেলে পর ফকির ঠাকুর উঠিয়া বসিয়া বলিলেন যে, ছি! ছি! তোদের কি এখনও চাম পোকায় ছাড়ে নাই, চামড়া লইয়া টানাটানি করিস্! এইটে যা ইচ্ছা তা হক্ না কেন—তাতে কি? দেহ ছাড়া হইতেছে বলিয়া তোমাদের ত ছাড়িয়া বাইতৈছে না। রামশরণ পালকে বলিলেন—“রামশরণ, তুমি এই ঝগড়া বাদ দেও—নেও তুমি আমার এই কাঁথা খানা। দেহটা তারাই নিয়ে যাক্, তুমি আপত্য করিও না। আমাকে লোকে মুসলমানী নামেই ফকির ফকির ডাকে। এই দেহ মৃত্তিকাপুত হওয়াই সঙ্গত।” ইহাতে আর কাহারই এ বিষয়ে কোন কথা রহিল না। ফকির ঠাকুর নিজে এই মীমাংসা করিয়া দেহ ছাড়িয়া দিলেন। দেহ মৃত্তিকাপুত করা হইল। রামশরণ পাল কাঁথা খানা নিয়া বাড়িতে যত্ন করিয়া রাখিয়া দিলেন। পাল মহাশয়ের দেহ রাখার পর, পাল মহাশয়ের স্ত্রী—শচী ঐ কাঁথার মাহাত্ম্য জগতে প্রচার করিলেন। তাহাই পূর্বে একবার বলিয়াছি। প্রভু গোপীনাথ মন্দির হইতে লুকানর পর এইত এই সব কত ঘটনা ঘটিয়াছে, কত ঘটনা ঘটিতেছে, তাহা আর কত বলিব। নিত্যসঙ্গীগণ সঙ্কে সঙ্কে থাকিয়া তাহা নিত্যই প্রত্যক্ষ করিতেছেন।

নিত্যলীলা

নিত্যই বর্তমান ।

প্রশ্ন = আপনি যে বলিলেন—ফকির ঠাকুর বলিয়াছিলেন, এদেহ ছাড়া হইতেছে, তোমাদের ত ছাড়িয়া যাইতেছি না। যদি দেহ ছাড়িলেন, তবে রহিলেন কি প্রকারে ?

উত্তর = ইহা জ্ঞান বুদ্ধির দ্বারা বুঝিবার নহে। চৈতন্য রূপায় যাঁহারা অচৈতন্য, যাঁহাদের সে চক্ষু ফুটেছে, তাঁহারা চক্ষে দেখিয়া অভ্রান্ত স্থির ভাবে তাঁহাকে ধরিয়া আছেন ; তাঁহাদের এরূপ প্রশ্নই অস্তরে নাই। এ বুঝাইয়া শিখাইবার বিষয় নহে। ভক্ত সমাজ তাঁহার বাসস্থান, তিনি নিজেই তৈয়ার করিয়া জীর্ণদেহ ছাড়িয়া নূতন দেহে যান। এই রূপে দেহ ছাড়িয়া অল্প দেহে থাকিতেই তিনি বলিয়াছিলেন—“এ দেহ ছাড়িতেছি, তোমাদের ত ছাড়িয়া যাইতেছি না।”

এই অঙ্গ গোপনে কি জানি হারায়, এবং নূতন দেহ পরিচয় করিতে কি জানি গোল হয়, তাই কোন কোন অপরিপক্ক পাত্র এ বিষয় অস্তরের কথা তখন ও জানাইয়া ছিলেন। যাঁহাদের এই প্রশ্ন ছিল, তাঁদের বলিয়াছিলেন “তোমরা কখনও হারাইবে না, এদেহ ছাড়িলে ও আমি থাকিব, নূতন দেহ পরিচয়ের জগৎ তোমাদের ভাবনার বিষয় নহে। যাদের সঙ্গে আমার বর্তমান সংযোগ হইয়াছে, নিশ্চয় জানিও তাদের মাথা অল্প কারো কাছে নত হইবে না। যে দেহেতে আমি থাকিব দেখিবে, তাহার মুখের কথায়

সত্য সনাতন ধর্ম ।

তোমাদের সকলের অন্তর সর্বদা সুখী হইবে, আর আপনা হইতেই তোমাদের মাথা সেখানে বিকাইয়া যাইবে। যার কথায় তোমাদের সকলের অন্তর সুখী হইবে, সেখানেই জানিবে আমি আছি” এই কথাতে যে যাহা বুঝিবার বুঝিয়া লইলেন। এ বিষয় অণু কিছু বলিবার নাই। ইহাতেই যে যাহা বুঝিবার বুঝিয়া লউন।

এই সত্য সনাতন নিত্য বর্তমান ধর্ম শ্রোত কিরূপ গতিতে প্রবাহিত হইয়া কাচড়াপাড়া দিয়া কলিকাতায় আসিয়া ছিল, তাহা ৮নব কিশোর গুপ্ত মহাশয়ের ধর্ম জীবনীতে শ্রীযুক্ত পূর্ণ চন্দ্র গুপ্ত মহাশয় প্রকাশ করিয়াছেন। এভাবে কিছু জানিবার হইলে সেই বহিতে যতদূর হয় দেখিতে পাইবেন। ইঁহারা কখনই প্রভু হারা হন না বলিয়াই চিরকাল ইহা প্রভুর নিজ ধর্ম। চিরকাল প্রভু স্বয়ং ইহার দাতা। চিরকাল প্রভুর ধর্ম বর্তমান।

“অদ্বাবধি নিত্য লীলা করে গৌর রায়।

কোন কোন ভাগ্যবানে দেখিবারে পায় ॥”

সতের দোহাই দিয়া

❧ কাণ্পনিক ধর্ম সত্য ধর্ম নহে। ❧

প্রশ্ন = আর একটা কথা জিজ্ঞাসা করি, ঘোষ পাড়ায় রামশরণ পালের

স্ত্রী—শচী কি এই ফকির ঠাকুরের ধর্ম সংযোগে ছিলেন না ?

উত্তর = হাঁ, ছিলেন।

প্রশ্ন = তবে শচী হইতে প্রচারিত কর্ত্তাভজা ধর্মকে আপনি সত্য সনাতন ধর্ম বলেন না কেন ?

উত্তর—এই শচীকেই উপলক্ষ করিয়া ককির ঠাকুর একদিন বলিয়া ছিলেন “কলা গাছে সার হয় না” শচী মাকে ধরিয়া উদ্ধৃত কর্ত্তা ভজা নামধারী ধর্মকে সত্য সনাতন ধর্ম বলা হয় না কেন বলিতেছি, এখন শুনুন। স্থির চিত্তে মনোযোগ সহকারে শুনিবেন। কথাটি একটী উপমা সহকারে বুঝাইয়া বলিতেছি। ইহা হইতে যাহা বুঝিবার বুঝিয়া লইবেন। ষাঁহাদের গুরুদত্ত চক্ষু ফুটিয়াছে, তাঁহারা কথার সঙ্গে সঙ্গে দৃশ্যটী প্রত্যক্ষ দেখিতে পাইবেন। বৃক্ষের যেমন মূলশাখা, উপশাখা, ও পরগাছা আছে, সত্য সনাতন বৃক্ষেরও একটী মূল শাখা, আর উপশাখাও আছে। উপশাখার চামড়ার রসে পরগাছা ও জন্মায়, মূলশাখা মূলের সহিত নিত্য অভেদ সরল সংযোগে থাকিয়া নিত্য কালের সঙ্গে সঙ্গেই সম ভাবে সর্বকালে বর্ত্তমান আছে। ইহার আর শেষ—অবধি নাই। তাহাতে সাধুগণ বলিয়া থাকেন :—

“চৈতন্য লীলার কভূ অবধি না হয়।

আবির্ভাব তিরোভাব মাত্র বেদে কয় ॥”

মূল শাখা হইতে যে যতটুকু রস লইয়া উপশাখা বহির্গত হয়, উপশাখার গতি ততদূর পর্য্যন্ত। ইহা হইতে বেশী আর চলিতে পারে না। মূল শাখার অপারিসীম গতি দেখিয়া লোভে কোন কোন উপশাখা নিজ চামড়ার রসেও পরগাছাও জন্মায়, তাহাতে কেবল জঙ্গলই বাড়ে।

সত্য সনাতন ধর্ম ।

আচ্ছা, আপনিত জিজ্ঞাসা করিলেন—শচীর প্রচারীত কর্তাভজা ধর্মকে সত্য সনাতন ধর্ম বলিলা কেন ? আপনি বলুন ত—এই যে আপনার বাড়ীতে সুমিষ্ট ফল যুক্ত আত্র বৃক্ষটী দেখা যাইতেছে, ইহার উপশাখায় যে ভিন্ন রকমের কতকগুলি আগাছা জঙ্গল দেখিতেছেন, ইহাকে আপনি আম গাছ না বলিয়া পরগাছা বলেন কেন ? কারণ আপনি আমগাছও চিনেন, পর গাছাও চিনেন, তাহাতেই পরগাছাকে—পরগাছা বলিতেছেন। ইহারাও এই রকম কর্তাভজা রূপ পরগাছাকে সুফল সত্য সনাতন ধর্ম বৃক্ষের কোন ও অংশ বলিয়া বলেন না। ইহা সম্পূর্ণ ভিন্ন বীজে জন্ম, আগাছা জঙ্গলই বলে। কেবল কর্তাভজা দলেই সত্যের দোহাই দেন, তাহা নহে। যার যার মনোমত ভাবে ধর্ম করিলেও সকলেই সত্যের দোহাই দিয়া থাকেন। এরা যেমন শচীমার ধর্ম বলিয়া ফকির ঠাকুরের দোহাই দেন, কেহ কেহ খ্রীকৃপের ধর্ম বলিয়া খ্রীকৃষ্ণ চৈতন্য মহাপ্রভুর দোহাই দিয়া থাকেন। কেহ বলেন—আমি নিত্যানন্দ পরিবার, কেহ বলেন আমি অদ্বৈত পরিবার ইত্যাদি কতই হইতেছে। তাহাত পূর্বেও বলিয়াছি। বর্তমান সত্য যেখানে নাই, তাহা সত্য ধর্ম নহে।



সত্য বর্তমান ।

প্রশ্ন = আপনি যে বর্তমান সত্য--বর্তমান সত্য বলেন, বর্তমান সত্য কোথায় ?

উত্তর = যাঁহার আশ্রিত হইলে শাক্তের আনন্দময়ী শক্তি, শৈবের সদানন্দশিব, শৌরের ব্রহ্মানন্দ জ্যোতির্শ্রয়--সত্য, নিত্য সূর্য্য, গাণপত্যের সর্বগণপতি গনেশ, বৈষ্ণবের সচ্চিদানন্দ বিগ্রহ কৃষ্ণ বর্তমান প্রত্যক্ষ লাভ হয় ; সত্য অগতি হইয়া আশ্রিত ভাবে অকাপট্য ভক্তি সহকারে যাঁহার বাক্যে কান দিলে নিদ্রিতা কুন্তলিনী শক্তি জাগ্রত হইয়া ভক্তকে ক্রোড়ে লইয়া ষটক্রমে ভেদ ক্রমে মুহূর্ত্ত মধ্যে অনায়াসে নিত্য ধামে পঁহুঁছাইয়া দেন ; যে সত্য-মানুষের রূপালাভে ভক্তের ব্রহ্মলোক, শিবলোক, তারা ধাম, গোলক ধাম ইত্যাদি সমস্ত নিত্য ধাম ষাতায়তের পথ অনায়াস সিদ্ধ হওতঃ মনের ভ্রান্তি জনিত তীর্থ ভ্রত পরিশ্রম দূর হইয়া সর্বসিদ্ধি লাভ হয় ; সকল ধর্ম সকল তীর্থ যাঁহার পাদপদ্মে সত্য বিরামমান, সেখানেই সত্য বর্তমান । যাঁহার রূপালাভে সত্য কি, বা সত্য কোথায় বলিয়া কোন প্রশ্ন বা খুঁজিবার আর কিছু থাকেনা, বর্তমান লাভে পরমানন্দে প্রাণের সব আশা মিটিয়া যায় কিছুই অপূর্ণ থাকেনা, সেখানেই সত্য বর্তমান । শুধু মুখের কথায় এই সত্যের খবর পাওয়া যাইবে না । যে দিন সত্যের জ্ঞান প্রাণ পিপাসিত হইয়া মিথ্যা কিছুতে আর রুচি থাকিবেনা ;

সত্য সনাতন ধর্ম ।

আপনার বলে খুঁজিতে খুঁজিতে অপারগ হয়ত যে দিন অনুপায় হইয়া সত্য মানুষ ধনীর খুঁজ সত্য সত্যই অন্তরে হইবে, যেখানে সেখানে থাকুক, সে দিন তাঁহারই আকর্ষণে, তাঁহারই নিকট উপস্থিত হওত তাঁহার বাক্য অনুসরণ করিয়া সত্য অগতি হইয়া জ্ঞান বুদ্ধি জলাঞ্জলী দিয়া তাঁহারই পায় পতিত হইবে। সে দিন অগতির গতি, দয়াল প্রভু পতিত পাবন, স্বয়ং টানিয়া এই ভবকূপ হইতে তুলিয়া লইয়া স্বরূপ প্রকাশ করতঃ সত্য পরিচয় দিয়া সব ভ্রান্তি ঘুচাইয়া দিবেন, আর কিহুতেই এই খবর লইতে পারিবে না। এ সত্য অন্তর না হইলে কানে শুনিলেও বুঝিবে না, চক্ষুর সামনে ধরিলেও দেখিবে না।

পূর্বেও বলিয়াছি বাহির দর্শনের চাক্ চিক্য দেখিয়া সত্যের অপিপাসায় বহিম্মুখ জীবগণ বাহিরই নিতে লাগিল বলিয়া প্রভু তাহা ছাড়িয়াছেন। তখনই বলিয়াছেন, আর বহির্জাক জমক লইয়া এই কলির জীবের সম্মুখীন হইব না। ভবের নগ্ন স্থানে সব টলা পাতিল্ বেড়িয়া নিজ স্বজন সহ থাকিব। বাহার প্রয়োজন হইবে, সে ইহা হইতেই বাহির করিয়া লইবে। কলির শাসনে পীড়িত হইয়া যে কেহ সত্যের পিপাসিত হইবে, ঐ পিপাসায়ই তাহাকে অভিমান শূন্য করিয়া তুলিবে, তাহাতেই বহিদর্শন তুলিয়া গিয়া কাতর প্রাণে সত্য স্মৃধা পানে উন্নত হইয়া কাছে আসিবে।

তাহাতেই যে স্থান জগতের নগণ্য, যে সমাজ জগতে গ্রাহ্য করেনা, জাতিতে হীন, বিঘাতে হীন, বুদ্ধিতে ক্ষীণ, ভালরূপ কথা কহিবার শক্তিও সে সমাজের নাই, ঐহিক ধনে, রূপে, গুণে যঁাহারা ভবে নিতান্ত

অগ্রাহ্য, তাদের লইয়া প্রভু এ জগতে বিচরণ করিতেছেন। যদি কেহ সত্যের পিপাসিত থাকেন, সত্য কোথায় জানিয়া লইতে সত্যই প্রাণের ইচ্ছা যদি কাহারও জাগিয়া থাকে তবে তিনি জাতি, কুল, মান ছাড়িয়া সকল প্রকার আত্ম অভিমান ত্যাগ করতঃ স্থির হয়ে কান পেতে ঐ গুনন কোথা হইতে পরমানন্দ ধ্বনি সহকারে গান শুনা যাইতেছে :-

রাগিণী মিশ্র—তাল খেমটা ।

“ভাব নগরে ভাবের বেনে, কচুে বদল বেচা কিনে ।

দেহের বদল নিত্য দেহ তার, মনের বদল মনের মতন, নাহিক অসুসার :
তাই বলতে বলতে, চলতে চলতে, ডাকচেরে আয় কে কোন খানে ॥

তার লেনা দেনার কেনার আখেরি,

বেচবে এবার, রাখবেনা ধার নগদ বিক্রী ;

সে ঋণের দায়ে মানের ভয়ে সকল দিয়ে ঠেকে জানে ॥

বর্তমান সত্য কোথায়, কথায় আমি আর কি বলিব ।”

যে সত্য সত্য—ধর্ম-মণ্ডলীতে সর্ব্বকারণের কারণ, অনন্ত জগতের কর্তা, সচ্চিদানন্দ বিগ্রহ বর্তমান স্বরূপ বাক্যে ভক্তগণকে সৎ-চিদানন্দ ময় রসে ভাসাইয়া দিতেছেন, সেখানে সত্য সনাতন ধর্ম বর্তমান ;

যে সত্য সত্য—ধর্ম-মণ্ডলীতে পরমাত্মা পরম পুরুষ, সত্য চৈতন্য আনন্দে প্রত্যক্ষ রূপে সপ্রকাশ থাকিয়া আত্মতত্ত্ব বিহীন পরমতত্ত্ব পিপাসিত জীবগণের প্রতি রূপা ঈক্ষণ দ্বারা স্বরূপ প্রকাশ করিয়া, দিয়া পরমতত্ত্ব শ্রীরূপে মিশাইয়া পরমানন্দ রসে ভাসাইয়া দিতেছেন. সেখানে জানিবে—সত্য সনাতন ধর্ম বর্তমান ।

সত্য সনাতন ধর্ম ।

যে সত্য সত্য—ধর্ম মণ্ডলীতে শ্রীকৃষ্ণ চৈতন্য মহাপ্রভু বর্তমান থাকিয়া নিত্যানন্দ, অষ্টৈত প্রভু সহ নিত্যানন্দ পরিকর, অষ্টৈত পরি-
করকে আপন অর্ঙ্গে মিশাইয়া লইয়া পরম্পর প্রেম সুখা আনন্দনে
আনন্দের হাট বসাইয়াছেন, সেই খানেই—সত্য সনাতন ধর্ম বর্তমান ।

যে সত্য সত্য—ধর্ম মণ্ডলীতে খোদ খোদা বর্তমান থাকিয়া, দু^২
নবিদ্বারা আদমকে সজ্জিদা দিতে নারাজ মকরম কর্তৃক প্রতারিত
জীবগণকে আদম মানিবার প্রকৃত প্ররুতি জন্মাইয়া, হকুম মানাইয়া
দুস্ত নবিদ্বারা খোদ খোদার কাছে বর্তমানে টানিয়া লইতেছেন.
সেখানে জানিবে—সত্য সনাতন ধর্ম বর্তমান ।

যে সত্য সত্য—ধর্ম-মণ্ডলীতে পরম পিতা পরমেশ্বর বর্তমান থাকিয়া.
পুত্র—ঈশ্বর ত্রাণকর্তা সত্য মানুষ যিগুখৃষ্ট স্বরূপে সম্মুখীন হইয়া.
জ্যোতির্শ্বয় উপদেশ দানে জগতের পাপী পতিত সত্যাকৃষ্ট জীব-
গণের পাপ গ্রহণ করিয়া পবিত্র করতঃ স্বয়ং ক্রোড়ে তুলিয়া লইয়া
পরমানন্দ সুখায় ডুবাইয়া দিতেছেন. সেখানে জানিবে—সত্য সনাতন
ধর্ম বর্তমান ।

যাঁহার অপার অনন্ত মহিমা অনন্তদেব অনন্ত মুখে বর্ণন করিতে
অসমর্থ, আমি ক্ষুদ্র জীব তাঁহার মহিমা এক মুখে কি বর্ণনা করিব ?
মোটের উপর এই মাত্র বলিতেছি—সত্য সনাতনের হাটে আন্দাজি
কোন কারবার নাই, সব বর্তমান । যেখানে সব বর্তমান, সেখানেই
--সত্য সনাতন ধর্ম ।

সাধু শাস্ত্রে, সাধু বাক্যে, যাহা শুন, তাহা যেখানে সব বর্তমান,—

প্রতীক্ষা দেখিতে পাওয়া যাইবে, সেখানে জানিবে—সত্য সনাতন ধর্ম
বর্তমান ।

ইহার আশ্রিত হইলে ভূত, ভবিষ্যৎ ভাবনা ভুলিয়া গিয়া বর্তমান
স্বরূপেই প্রাণ মিশিয়া গিয়া পরমানন্দে থাকিবে. সেই খানেই—সত্য
সনাতন ধর্ম বর্তমান ।

এখন থাক্—

অনন্তের খেলা মুখে আর কত বলা যাইবে । বাহ্য বিষয়ক প্রশ্নে
যতটুকু কথা হওয়ার হইয়াছে । ইহার মধ্যে আরো বিষয়
আছে, তাহা তত্ত্ব বিষয় ও তত্ত্বাতীত বিষয় । এ সব বাহ্য
প্রশ্নের উত্তরের ভিতরে ও ইহার কতক কথা যে
না হইয়াছে তাহা নহে, সে সব বিষয় সাধারণ
চক্ষে দখিবার গুনিবার নয় । গুরু কৃপায়
সেই সব প্রশ্ন উঠিবার অবস্থা ও
সময় হইলে সব কথাই
অবশ্য হইবে ।

এখন এই পর্য্যন্তই

সমাপ্ত ।



